
في البسكويت يا حكومة

وقصص أخرى

أحمد هاني



فال السكويت يا حكومة مجموعة قصصية ،

أحمدهاني

أحسمد هابى : فى البسكويت يا حكومة (مجموعة قصصية) Email: ahmedhany55@hotmail.com

الحضارة للنشر

٧ شارع أبو السعود - الدقى ١٢٣١١ - القاهرة تليقون ٢٣١٩ - ٢٢١ - ١٢٣١٠ - فاكس ٢٢٠٥٠٢٧

Al-Hadara Publishing 7 Abou El-Seoud Street Dokki 12311, Cairo, Egypt

Tel.: (20-2) 3 761 94 39
(20-12) 316 48 67 - Fax: (20-2) 3 760 58 98
E-mail: ask@alhadara.com
E-mail: hadara@idsc.net.eg
www.alhadara.com

الطبعة الأولى: سبتمبر ٢٠٠٧ رقم الإيداع بدار الكتب: ١٠٠٧/ ٢١١٩٥ المجداع بدار الكتب: ١.S.B.N. 977-5429-65-X

هائی، أحسد. ط۱- القاهرة - تدمك ۲۰۲۹۲۵۲۲۰ سم ۱٤۰ ص، ۱۶ ص، ۲۰ ۲۰ سم ۱۲۰ سم ۱۲۰ القصیص العربیة القصیرة العصیرة العربیة العصیرة العربیة ۱۲۰۱۸

جميع الحقوق محفوظة للمؤلف

فی السکویت یا حکومت

السمحتوى

| ١- في البسكويت يا حكومة | ٥ |
|---------------------------|-----|
| ٢- ليلة ضاع فيها الأسد | 7 7 |
| ٣- توبة شيطان أحمق | £ Y |
| ٤ - الكوميديا المخابراتية | 7 7 |
| ٥ – أحلام في القطار | YY |
| ٦- إحنا رجالة يا حكومة | 9 4 |
| | |



في البسكويت يا حكومة

هبت نادية مدرسة اللغة العربية واقفة، تاركة الدرس الخاص الذى تدرسه مجموعة من طلبة الإعدادية فى غرفة طعام منزلها والتقطت العصا التى كثيرا ما تستخدمها وخرجت إلى صالة منزلها حيث تنتظر المجموعة التالية دورهما فى الدرس لتجد اثنين من الطلبة مشتبكين بالأيدى، فسألتهما عن السبب أثناء ضربها لهما، وصاح أحدهما بعدما تلقسى ضربة موجعة:

- أصله غش في اللعب وسرق مني ورقة البسكويت.
 - وصاح الآخر: - أغشر إذاي، ا
- أغش إزاى، اللعب كان ملك وكتابة وهــو خســر والورقــة بتاعتى.

وفهمت أن هناك شركة سوف تجرى مسابقة للفوز بسيارة فارهة، يفوز بجا صاحب الحظ السعيد الحامل للرقم الفائز المطبوع على أحد الأغلفة الخاصة بالبسكويت الذى تنتجه الشركة، وقررت تفتيش الطلبة ذاتيا ومصادرة كافة الأغلفة.

وفى صباح اليوم التالى كانت جالسة بجوار زوجها نوح فى سيارقم الصغيرة القديمة الرخيصة نسبيا حيث إلهما لم يكونا من مشاهير المدرسين بل ودائما جدولهما به أماكن خالية، وكانت نادية تحلم بالسيارة الفارهة وتوقف نوح فى أحد الإشارات، وسمعا صوت ارتطام سيارة بسيارةما من الخلف، وهبط نوح بعصبية من سيارته وصاح فى الشاب الجالس على مقعد السيارة الجيب رباعية الدفع والتى دمرت مؤخرة سيارة نوح:

- مش تاخد بالك يا حمار.

ورد الشاب على نوح من طرف أنفه:

- طب عشان الغلط أنا مش هديك حاجة تصلح بيها علبة الصفيح بتاعتك.

وصاح نوح:

- إنت قليل الأدب.

ورد الشاب:

-- لا إنت عاوز تتربي.

وهبط الشاب من سيارته وضرب بيمناه ضربة توجهت إلى أنف نوح، الذي سقط، فما كان من نادية إلا أن تشاجرت مع الشاب واستعملت أسنالها وأظافرها، وتجمع المارة واتصل الشاب عن طريق هاتفه المحمول بأشخاص، وأتت سيارة بها أربعة من مفتولى العضلات، وأتت سيارة الشرطة، وقبل ذهابهم إلى القسم اتصلت نادية بمديرة مدرستها عنايات صارخة عبر المحمول:

- والنبى يا مس عنايات تعالى على القسم ومعاكى اللوا قريبك لحسن الواد جاب فتوات بيشهدوا إن إحنا ضربناه وضربناهم وفتوة منهم قطع وشه بمطوه وقال إنها كانت مع نوح.

فى القسم أتى والد الشاب وكان أحد رجال الأعمال الجدد، وتم عمل محضر لنوح، وذهب الشاب والفتوة إلى المستشفى لمتابعة عمل تقرير طبى، وأتت عنايات مديرة المدرسة ومدرسة اللغة الفرنسية السابقة واستخدمت محمولها وتحدثت بالفرنسية وهمس أحد الفتوات فى أذن رجل الأعمال:

- الظاهر إن الحتة الفرنساوى شديدة وميتها واصلة للعالى، إحنا نلم الدور يا باشا ومعرفة الناس كنوز.

وقبلت نادية الصلح وقبله نوح خوفا من العرض على النيابة، وعلى باب القسم أعطى رجل الأعمال مبلغًا ماليًّا لنسوح لإصلاح سيارته، وصاح رجل الأعمال في ابنه وهو يدق على سيارة عنايات:

- وحياة أمك الأجيب عربية زى دى من عربيات الغلابة وأخد منك الحتة الفور باى فور اللي ماشي تعمل بيها مشاكل.

وصاحت نادية:

- يا لهوى بيقول على مس عنايات غلابة. وصاحت عنايات في رجل الأعمال:

- إنت اللي غلابة.

واعتذر رجل الأعمال لعنايات وأردف قائلاً:

خلابة إيه؟، دانا اللي غلابة، أصل معاليكي من توب أم الواد
 ده، حتة ألافرنكا مش زى العبد لله خريج جامعات الرصيف.

وضحك عاليا ثم أردف:

- أصلى اتجوزت أم الواد ده بعد ما الأرانب ولدت، عشان أركب بيها الحتة المرشيدس، بس هو طالع لأمه ومش مقدَّر حاجمة، عليا الطلاق من نسواني الأربعة لأركبه عربية سكرتو لما يركنها يلاقى منها في الشارع دستة.

ذهب نوح بسیارته إلى السمكرى الذى يتعامل معه بعدما استاذن في الغیاب عن المدرسة من مس عنایات وذهبت نادیة مع مس عنایات إلى المدرسة، وأثناء الیوم الدراسی قامت نادیة بعملیة تفتیش ذاتی

للطلبة وصادرت كافة أغلفة البسكويت، وعندما وجدت الداده تقدم كوب شاى وبسكويت لمس عنايات قامت نادية بفض الغلاف وهي تظهر ذلك كمجاملة لمديرة مدرستها واحتفظت لنفسها بالغلاف.

وفى مترل نادية لما زادت الأغلفة معها قامت بتدوين أرقام الأغلفة في كشكول واحتفظت بالأغلفة نفسها في ظرف كبير وخبأته بسين مرتبتي السرير.

(Y)

جاء اليوم الموعود ودونت نادية الرقم الفائز أثناء مشاهدةا لحفل السحب بالتليفزيون وسارعت إلى الكشكول الذى امتلأت صفحاته بالأرقام وكاد قلبها يقف وهى تشاهد الرقم الفائز فما كان منها إلا أن تسارع إلى الظرف الذى بين المرتبتين لتبحث عن الورقة كالمجنونة وتلقى فى أرجاء الشقة بالأوراق غير الفائزة حتى وجدت الغلاف الفائز واحتضنته وقبلته ورقصت معه. وأتى نوح فى المساء يتساءل عن سرس سعادةا وعن الأوراق المنثورة فصاحت فيه والبسمة ملء شفتيها:

- خلاص يا نوح مبقناش غلابة.

صباح اليوم التالى استقلت وزوجها سيارة أجرة إلى مقر الشركة وقابلها الموظفون بحفاوة، كل يتمنى عطية منها، ودخلت إلى مسدير الشركة وقابلها ببرود وأحالها لسكرتيرته، ثم اتصل بشركة الدعاية التى أرسلت له مصورا ومخرجا حتى يتم تصويرها وهى تتسلم السيارة، وقبل أن تبدأ التصوير قامت السكرتيرة بإعطائها العديد من الأوراق كى توقعها ووقعت نادية دون أن تقرأ شيئا، وذهبت حيث وجدت سيارةا وحولها العديد من الحسان. ونظم المخرج طريقة وقوفها مع

زوجها وطلب منها إظهار السعادة وبدأت نادية تقول الحوار المطلوب منها:

- فى الحقيقة بسكويت الثلاث نجوم دايما عندى فى البيت وباكله دائما أنا وجوزى الأستاذ نوح.

ومدت نادية وبيدها قطعة بسكويت تضعها في فم نوح وتنساول نوح القطعة وصاح المخرج:

- ستوب، يا أستاذ أظهر شوية حب للزفت اللي بتاكله.

ورد نوح بغضب:

- وأما هو زفت بتبيعوه للناس ليه؟

وتجردت السكرتيرة الحسناء من قناع البروتوكول وصساحت فى نوح:

- ما هو يا روح أمك الزفت ده هو اللي إداكم عربية عمر ما أبوك ما كان يحلم إنها تدوسه.

وكان لسان نادية أسرع من زوجها في الاستجابة وصاحت في السكرتيرة:

- لا يا أختى اتكلمى عدل، أحنا عندنا عربية بس جينا بتاكسسى عشان نرجع بالعربية دى، والدور والباقى على الغندوره اللى دابت فى الأتوبيس وبقت الزحمة عندها هواية قبل ما تشتغل مع المديرين.

وبسرعة قام المصور والمخرج باستعادة الهدوء وطلب من نادية أن تأكل هي البسكويت وتم التصوير، وعاد نوح ونادية إلى الحارة حيث قررت نادية أن تقيم حفلا للسيارة في المساء.

أقامت نادية صوانًا في الحارة، وأتت جالسة على مقدمة السيارة

ويقودها نوح، وعند استقرار السيارة وسط الصوان أتى أحسد تجسار المنطقة ممسكا بالميكروفون ويصيح:

- نشكر السيد مدير شركة البسكويت ومدير المصنع اللي عمل العربية، وسيادة رئيس الجمهورية بتاع الدولة اللي طبقا لتوجيهاته عملوا أجدع عربيات، والست نادية وكمان الست نادية، والأستاذ نوح أجدع مدرس، اللي منجح عيالنا في امتحانات النقل وسلام يساجدع.

وقام التاجر بإلقاء بعض الأوراق المالية على نادية الستى الفعلست وقامت بالرقص أمام السيارة حتى حضرت الراقصة التى ستقوم بإحياء الليلة، ورقصت وانفعلت وقررت أن ترقص فوق سطح السيارة، وبينما هي ترقص صاحت نادية في نوح:

- روح نزل الولية من على سقف العربية لحسن يجرى له حاجة.

وذهب نوح وصعد فوق السيارة إلا أن الراقصة ظنت أنه صمعد ليراقصها فأمسكت بيده وظلت تتلوى وهمست نادية في أذن ممديرها عنايات:

- شوفى عمايل الراجل، عجبته الرقاصة ونسى أنا قلت له إيه، لازم تديله جزا بكره لأن ميصحش مدرس محترم يعمل كده.

واستمر الحفل إلا أن ما عكر صفو الحفل حضور الشرطة، حيث أن أولياء أمور الطلبة تقدموا بشكاوى بأن أوراق البسكويت كانت ملكا لأبنائهم واستحوذت عليها نادية عنوة، وفي القسم لم يكن أمام الضابط إلا أن يحيل الأمر برمته للنيابة، وصاحت نادية بسان الورقة الفائزة أخذها من باكو كان في صينية مع كوب شاى لمس عنايات، مما

حدا بمس عنايات أن تطالب بحقها هى الأخرى وكان قرار النيابة يبقى الوضع على ما هو عليه وعلى المتضرر اللجوء للقضاء، وعساد نسوح ونادية بالسيارة تحت مترهما، إلا أهما قبل أن يناما كانست عنايسات تصيح وسط الحارة:

- وحياة أمك يا نادية لأحولك للتحقيق، عشان بتسرقى الطلبة وهقول على الدروس اللي بتديها أنت وجوزك وهجرجرك في المحاكم وهوريكي أخويا اللوا هيعمل إيه.

ومن نافذة شقتها ردت نادية:

- جتك نيله أنت وأخوكى الصول اللى عاملاه لوا، وإن كسان المحاكم كنتى تتشطرى على جوزك اللى بيرنّك كل يوم علقة، ما هو فيه نسوان متجيش غير بالسك فوق دماغها، وأنا هوريكى الأستاذ على العنتيل المحامى ابن عم جوزى هيعمل فيكى إيه.

(Y)

فى صباح اليوم التالى اتصل نوح ونادية بالأستاذ على العنتيل، الذى طلب منهما ألا يفعلا أى شىء ويأتيا لمكتبه باوراق السيارة وأرقام المحاضر فى المساء. وفى مكتب العنتيل شرح لهما الموقف قائلا:

- الخصوم هيرفعوا دعوى، وعشان كده بكره لازم تسلجلوا العربية وتعملوا لى توكيل عشان أرفع دعوى عليهم بالتشهير بنادية.

وردت نادية مبتسمة:

- وندخلهم السجن.

وصاح العنتيل:

- لا، الأول نطلب تعويض ونخرب بيتهم، وبعهدين ندخلهم

السجن، بس هم مش هيسكتوا لأنهم هيعملوا استشكال، وإحنا مش هنسكت برضه، وبعدين الخسران هيستأنف، بس اطَّمِّني والمهم بكرة العربية تتسجل.

دخل نوح ونادية بالسيارة الفارهة إلى المرور حتى يتم استخراج الرخصة، وأتى لهم أحد الأشخاص المتخصصين في استخراج الأوراق، أو مشهلاتي، طمعا في البقشيش الكبير، وأمام الموظف وقف نوح ونادية صامتين زائغي البصر تكاد الأرض غيل بهم وهو يقول:

- العربية لسه مطلعلهاش إفراج جمركى، يعنى تسددوا الجمارك وتعالوا رخصوا.

وسرعان ما هرول نوح ونادية إلى الجمارك لينهى الموقف موظف الجمارك بعدما حسب الحساب وصرح:

- سدد متين الف جنيه في الخزنة، وتعالى أخلّص باقى الورق. ولم تنطق نادية بحرف وإنما صرخت:

- یا لهوی جت الحزینة تفرح ملقتلهاش مطرح وسقطت مغشیا علیها.

فى المترل طلبت نادية من نوح التصرف وأن يحضر لها مائتي ألف. جنيه وجمعا مدخراتهما وكل حليها الذهبية ليصبح معهما عشرون ألفا.

فى المساء كان نوح ونادية عند الأستاذ على العنتيل الذى قرر أن على المساء كان نوح ونادية عند الأستاذ على العنتيل الذى قرر أن عليهما أن يسارعا ببيع السيارة حيث إن أمامهما بضعة أيام وتنتهى فترة السماح وستصبح السيارة فى حكم المهربة.

عادت نادية إلى المرّل حزينة وهي تصيح:

- جت الحزينة تفرح ملقتلهاش مطرح.

ولم تنم نادية تلك الليلة وإنما قضتها فى البلكونة تودع سيارها، وبينما تبكى وهى تنظر لحظة الوداع جاءت سيارة مسرعة لتصطدم بسيارها الفارهة وتمرب، وسقطت نادية مغشيا عليها وظلت طريحة فراش المرض طوال فترة إقامة السيارة الفارهة فى مركز الصيانة.

وذهب نوح لاستلام السيارة من مركز الصيانة وتسلم فاتورة الإصلاح ليصيح:

- عشرين ألف جنيه، ويسقط مغشيا عليه.

(٤)

استدان نوح مبلغ العشرين ألف جنيه من ابن عمه المحامى على العنتيل الذى استكتبه كمبيالات بالمبلغ بعد حساب فائدة البنك، وطلب نوح من المحامى أن يبحث له عن مشتر للسيارة بسأى سعر ووعده المحامى بذلك على أن يقوم المشترى بسداد الجمرك وكانت الأيام المتبقية على مهلة الجمرك قليلة ولكن حدثت المفاجأة الكبرى فتلقى نوح مكالمة هاتفية على تليفونه المحمول وهو يغادر مكتب المحامى ليجد زوجته صارخة تقول:

- سرقوا الحيلة، سرقوا حبة عينى، يا ترى إنتى فين يا عربية. ويرد نوح بانزعاج:

- سرقوا العربية! ويسقط مغشيا عليه ثانية أمسام العمسارة، فى الشارع يتجمع حوله الماره ويسرقون محفظته وتليفونه المحمول.

عاد نوح للمترل ليجد أن عنايات تنازلت عن القضية بعدما عرفت موضوع الجمارك وأتت تواسى صديقتها نادية في مصابحا الأليم في السيارة، وذهب الجميع إلى قسم الشرطة لعمل محضر بسرقة

السيارة ومحضر بسرقة محفظة نوح وبها تحقيق شخصية من بطاقة عائلية إلى رقم قومى إلى كارنيهات النقابات إلى صورة شهادة ميلاده وقال له ضابط القسم:

- یعنی أنت واقف قدامی من غیر ورق، معاکش حاجة تقول أنت بین؟
 - معایا مراتی وهی عارفایی کویس یا بیه.

وصاح الضابط:

- هتهرج، يا عسكرى خده اعمل له فيش وتشـــبيه وخليـــه في الحجز على ما يتعرض على الباشا المأمور بكرة.

دخل نوح الحجز، وعادت نادية وحيده إلى المترل لا تجد من تفرغ همها فيه إلا أن البشرى جاءتما في المساء ، فأتى جندى مسن القسم يطلبها للباشا، وأمام معاون مباحث القسم وجدت المفاجأة الكبرى.

قال ضابط المباحث:

- لقينا العربية.

أطلقت نادية زغرودة قطعها صوت يد الباشا وهي تهــوى علــي المكتب مصحوبة بصوته الجهورى:

- بس، لقينا العربية في الطريق الدائري وفيه مواطن داسته العربية ومات.

أحست نادية بالخوف وقالت:

- أنا بلغت عن سرقة العربية النهارده الصبح.

وسألها الباشا:

- والعربية ليه مش مرخصة.

وبدأت نادية تشرح:

أصل بعد ما كسبت العربية في البسكويت.

وهوت يد الباشا مع صوته الجهورى:

بس، هتستهبلی یا روح أمك، إنتی متهمة بأنك قتلتی الراجـــل
 وبعدین سبتی العربیة وجیتی تبلغی.

وردت نادية بعفوية:

- يا باشا أنا مبعرفش أسوق.

وابتسم الباشا:

- وعشان كده دُستى الراجل، وطبعا كان جوزك بيعلمك السواقة والناس اتلمّت، وانضرب واتقلب، وجه يقول إنه أغمى عليه.

وصاحت نادية:

- عليا الخلع بالتلاتة من جوزى إنى بصيت من البلكونة لقيست العربية اتسرقت.

وتم إيداع نادية غرفة الحجز متهمة بالقتل الخطأ والقيادة بدون ترخيص وقيادة سيارة غير مرخصة والبلاغ الكاذب بسرقة السيارة، وفي غرفة الحجز تقابلت نادية مع اثنتين من النسوة المتهمات في قضية آداب واقتربت إحداهن من نادية الذي كانت تمذى وهي تلطم:

- كُلُّه من البسكويت، كله من البسكويت.

وقالت لها الفتاة:

- أنا سوزيت وإنتى بأه إيه حكايتك؟ أنا يا أختى الحكومة أخدتني في قضية دعارة.

وتصرخ نادية:

- وأنا فى بسكويت، فى بسكويت، فى بسكويت يا حكومة. وعادت سوزيت تخرج لفافة بانجو وتجلس بجوار صديقتها وتقول:
 - الظاهر ألها بتضرب بسكويت وبتعمل بيه دماغ.

وسألتها صديقتها:

- والبسكويت بيضربوه إزاى؟

وردت سوزيت:

- معرفش بس باين قضيتها كبيرة قوى، خلينا إحنا في البانجو أحسن.

وصباح اليوم التالى تم القبض على شاب كان سرق سيارة ناديسة ليقضى بما وقتًا ممتعًا مع فتاة، ويتم الإفراج عن نادية ونوح بعد عمسل الفيش والتشبيه وحضور عنايات لتقرر أنه مدرس في المدرسة لديها.

(0)

خشيت نادية على السيارة من السرقة فكانت توبط حبلا حسول السيارة وطرف الحبل الآخر يصعد حتى شباك غرفة نومها ثم تربطه فى رجل الدولاب حتى إذا تحركت السيارة اهتز الدولاب، وكثيرا ما كان الصبية يرُجُّون لها السيارة وتسمع هى اهتزاز الدولاب لتسرع إلسيهم تسبهم من الشباك.

واستقرت هي ونوح، على أن يبحثا عن مُشْترٍ للسيارة بمعاونـــة على العنتيل.

ومن ناحية أخرى كان أحد الطلبة التي صادرت نادية منه غلاف البسكويت يتأهب للخروج من المسترل كسى يتوجسه لهسا لدرسه الخصوصي، وأتى خاله الذي يعمل في مباحث الضرائب وقال الطالب

بخبث:

- ده مس نادیه اللی بتدینی انجلش عندها عربیه آخــر مودیــل تساوی ملیون جنیه.

ويأخذ الرجل الكلمة ويصمت.

وبينما كانت نادية منهمكة فى دروسها فى غرفة ونوح منهمك فى دروسه فى غرفة أخرى سمع الجميع طرقا على الباب ليدخل رجل ومعه طفل ويطلب من نادية إعطاء دروس إنجليزى للطفل وأن يعطى نوح دروس عربى لنفس الطفل وسريعا ترد نادية:

- هعمل له امتحان وبعدين أديله أربع حصص مراجعة وبعد كده حصتين فى الأسبوع والحصة بخمسين جنيه وكذلك الأسبتاذ نسوح، وصمت نادية ثم أردفت كذبا:
- أصل جدولى مشغول على طول، بَدِّى ست مجموعات فى اليوم. والواقع أنه لم يكن لديها هى وزوجها سوى المجموعة التى تتلقى الدرس ذلك الوقت، وسرعان ما تم اقتحام الباب بقوة من الشرطة ليصيح الرجل:
 - وأنا من مباحث التهرب الضريبي.

وتم القبض على نادية بعدما تم تقدير جزافى بمبلغ مليون جنيه ضرائب عليها وعلى زوجها وكان من الأدلسة امتلاكها للسيارة الفارهة، وأتى على العنتيل ليدفع الكفالة ويستكتبهم كمبيالات وعند الحروج من مأمورية الضرائب قال لهم العنتيل:

- ادعوا العربية تضيع، دى متحفظ عليها ونادية حارس عليها. وعادت نادية للمرّل لتربط طرف الجبل الذى بالسيارة بقسدم

زوجها وهو نائم بدلا من الدولاب.

وفى الطريق كان بعض الصبية الذين سبتهم نادية فيما سبق للملوسهم على السيارة قد نجحوا فى تحرير السيارة من قيدها وربطوا الحبل فى طرف سيارة لورى، وبعد قليل تحركت السيارة اللورى لتأخذ معها نوح منجذبا بالحبل حول ساقه ويطير من الشباك ليستقر فسوق حمولة السيارة من الرمال ويصيح:

- الوداع يا نادية.

أبلغت نادية الشرطة بما حدث لتظهر جرائد اليوم التالى تحمل عنوان "آخر صيحة فى قتل الأزواج - تربطه فى سيارة لورى وتتركل لقدره طائرا من الدور الرابع".

(٦)

أفرجت النيابة عن نادية بعد عدة أيام من التحقيق، لأنه لا يوجد جثة، وبشهادة عنايات أن نوح كان يقبل ربطه في السيارة ولأن الشهود أدلوا بشهادهم بأنه حي حيث صاح الوداع يا نادية وهو فوق اللورى، وتم نشر صورة نوح في الجرائد وتحتها "عدد يا نوح ساتخلص من سيارة المليون جنيه – زوجتك نادية".

فى نفس الوقت كان نوح يرتدى بيجامته ويسير حافى القدمين مذهولا وفى يده ورقة يقدمها لمرتادى المقاهى وأعطى الورقة لأحد الزبائن الذى سحب نفسًا عميقًا من الشيشة ثم قرأ الورقة لأقرانه بصوت فيه كئير من السخرية:

- كنت مدرسا للغة العربية حتى هبطت على سيارة تساوى مليون جنيه.

وقبل أن يكمل الرجل صاح زميله:

- ده الجدع ده اللي صورته في الجرنال، بينا نسلمه يمكن يكون فيه مكافأة.

وصاح نوح بذعر:

- تسلموين لمين؟

ورد الرجل:

- لمراتك.

وفر نوح يحاول الهرب وهو يصيح:

- لا، بلاش، مراتی مش هتدیکم غیر بالجزمة لو رجعتوبی لیها و این خدتم مکافأة هتدفعوا علیها دم قلبکم رسوم وضرایب.

وأمسكوا به وسلموه إلى القسم.

وأتى جندى من القسم يطرق الباب على نادية وتفتح له ليسالها عما إذا كانت هي السيدة نادية وقبل أن يكمل اسمها الثلاثي قالت له:

- أيوه أنا نادية المتهمة بتهريب عربية من الجمرك وقمرب ضريبى مليون جنيه وقبل كده كنت متهمة بقتل مواطن خطأ وقيادة سيارة بدون رخصة وأنا نفسى معييش رخصة، ودلوقت متهمة بقتل جوزى، إيه بأه التهمة الجديدة اللي عليا.

- لقينا جوزك، تعالى القسم استلميه واشكرى الباشا على على مجهوداته، وبسرعة لحسن جوزك في حالة صعبة قوى.

تسلمت نادية زوجها وقبل أن يعود معها للمترل وعدتمه بأنما ستتخلص من السيارة بإهدائها إلى أول الثانوية العامة.

ويوم إعلان الثانوية العامة كان على العنتيل قد جهز الملف الذي

سيوقع عليه ولى أمر الطالب المتفوق بتسلمه السيارة ومسئوليته الكاملة عنها وعن رسومها، ووقع الرجل فى غمرة الفرحة دون أن يقرأ الملف وتبقى على نادية قضايا الضرائب والديون التى كتبها على زوجها إلا أن هملها الأثقل ذهب عنها، وأقامت نادية حفل غداء فى مترلها دعت إليه أقرالها المدرسين وأثناء الحفل سمع الجميع طَرْقًا على الباب وفتحت نادية لتستمع للقادم ثم تشتبك معه صارخة:

- نعم وحياة أمك، جايزة بنك إيه اللي كسبناها وجاي تسلمها لنا.

واندفع نوح يضرب الرجل، ودقائق حتى أتت الشرطة لتقسيض على نوح متهمة إياه بالتعدى على موظف أثناء تأدية عملسه، وتسسير سيارة الشرطة به وخلفها تعدو نادية صارخة:

- إوْعَى يضحكوا عليك ويدوك الجايزة، مش عاوزين فلوسهم، في البلد دى خلينا غلابة أحسن.



ليلة ضاع فيها الأسد

كانت مشيرة في سيارتها الصغيرة تعبر كوبرى قصر النيل صباحا، متجهة ناحية ميدان التحرير، وتوقفت بسيارتها فجاة عند نهايدة الكوبرى، وعلى إثر توقفها الفجائي اضطر قائد السيارة التي خلفها أن يضغط بقوة على دواسة الفرامل ونجح في إيقاف سيارته قبل أن تصطدم بسيارتها. إلا أن السيارة التي خلفه لم يستطع قائدها فعل نفس الشيء واصطدم به بقوة، هبطت مشيرة من سيارتها ونظرت نحو تمثال الأسد لتتأكد من اختفائه بعدما ظنت أنها أصيبت بخداع بصرى وهي تعبر الكوبرى عند بدايته إلا أنها تأكدت من أنها لم تصب بشيء وأن الأسود الأربعة غير موجودين.

هبط قائدا السيارتين خلفها كل يفتش عن إصابات سيارته وتقدم أحدهما إليها وهو يصيح:

- حد يقف كده مرة واحدة يا آنسة؟

ونظرت له بالامبالاة تسأله:

- مش ملاحظ حاجة غريبة؟

ورد الرجل بتلقائية:

. 7 -

وصاحت مشيرة في الرجل:

- ولما إنت مبتشوفش، بتسوق ليه؟

أسرعت مشيرة لسيارها وانطلقت بها نحو جريدة اليسوم الجديد حيث تعمل محررة في شئون المرأة، وأتى جندى شرطة لصاحبي السيارتين ليفض الاشتباك بالأيدى والتراشق بالألفاظ بينهما ويأمرهما

بركن السيارتين على جانب، منعًا من تعطيل المرور ويتصل بالدوريـــة حتى يتم عمل محضر لهما.

وصلت مشيرة إلى الجريدة واقتحمت مكتب رئسيس التحريسر صارخة:

- الأسد مش موجود!

قالتها بينما كان الأستاذ وجدى عبد المنعم رئيس التحرير يحادث زوجته نجوى وكانت تقول له:

- والنهارده نتغدى بيض مقلى يا وجدى مادام العيال فى رحلة الحنينة الحيوانات.

وما إن سمعا قول مشيرة حتى صاح وجدى ونجوى معا:

- الأسد هرب.

وصوحت نجوی لتفقد الوعی، وینادی وجدی علسی سکرتیرته نومین وهو یصیح و یجری نحو باب غرفته خارجًا:

- يا نرمين بلغى البوليس إن الأسد هرب فى جنينسة الحيوانسات وهرول إلى الشارع، ومشيرة وراءه لا يسمعها وهى تصرخ.

- أنت فاهم غلط.

توجهت قوات الأمن المركزى تضرب حصسارًا حسول حديقة الحيوان وسرعان ما انتشر أن الأسد هرب بينما توجهت مشسيرة إلى كوبرى قصر النيل لتجد المصور مصطفى يقوم بتصوير القروى عبد الجبار أمام مكان تمثال الأسد ويقول له:

- أنا المصوراتي الوحيد في مصر اللي تخصص في تصــوير أســــ كوبري قصر النيل. وطلبت مشيرة من مصطفى أن يقوم بتصويرها بعدما أعطى إيصالاً إلى عبد الجبار كي يتسلم صورته منه في المساء.

وأثناء ذلك أمام حديقة الحيوان كان جنديان من الأمن المركـــزى يتحادثان أثناء حصارهم للحديقة وقال أحدهما متسائلاً:

- هُمَّ بيصيدوا الأسد إزاى؟

ورد الآخر:

- معرفش، لكن أول ما أشوف الأسد هفرٌ غ فيه الآلى.

ونصحه الأول:

- إوْعَى تُمُوت الأسد، ده عهدة حكومة واللي هيموته هيدفع تمنه. ورد الثانى:

- يعنى نسيبه ياكل الناس.

وقال الأول مبتسما:

- هو يعني الناس كانوا عهدة.

وبعد قليل كان الدكتور يحيى النمر مدير حديقة الحيوان محاصدا من العميد فؤاد والرائد صلاح من مديرية الأمن يلقى بيانا على الصحفيين وهو يقول:

- ترددت إشاعات بهروب أسد من حديقة الحيوان وتم مراجعة عهدة الأسود واتضح ألها سليمة، جميعها في الأقفاص بصحة جيدة، وذلك لألها تتغذى تغذية سليمة من اللحوم والعظام طبقا لتوجيهات الأستاذ الدكتور وزير الزراعة الذي يطمئن بنفسه يوميا عليها، وتعلن الحديقة ألها غير مسئولة عن أي إنسان أكله أسد يتم تربيته في جهة أخرى.

وهنا صاح العميد فؤاد:

- هو فيه أسود في حتة تانية.

ورد الدكتور يحيى:

- في السيرك.

ونظر العميد فؤاد إلى الرائد صلاح وأمر:

على جميع القوات التوجه نحو السيرك القسومي ومحاصسرته والتعامل مع أى أسد هارب.

وسرعان ما انصرفت الشرطة و قبل أن يركب العميد فؤاد سيارته أتت نجوى صارخة:

- ولادى أكلهم الأسد؟ هم فين؟

وتسقط مغشيا عليها وقال فؤاد للدكتور يحيى:

- اتصرف يا دكتور.

ورد يحيى:

- بس إحنا دكاترة بيطريين.

وقال فؤاد وسيارته تسير:

- مش وقته.

ونادى يحيى على أحد العمال:

- خدها وديها عنبر الثدييات في المستشفى.

(Y)

على كوبرى قصر النيل كان عبد المهيمن المدير فى الحى، ومعه صبرى الموظف المسئول عن عهدة كوبرى قصر النيل يراجعان العهدة وقال صبرى:

- امْضِ على محضر الجرد يا أستاذ عبد المهيمن.

ورد عبد المهيمن:

- لا، الشهر ده هراجع العهدة بنفسى وأى نقسص فى العهدة هخرب بيتك، عشان تعرف تفك خطوبة بنتى.

وقال صبرى بلا مبالاة:

- مفيش بينا اتفاق، ويعنى حد هيسرق الكوبرى.

وفتح صبرى دفتر العهدة وقال:

- الأسود، أربعة.

وقال له عبد المهيمن:

- حد هيسرق الأسود، إحنا هنعد البلاط.

وبدءا في عد بلاط الكوبرى طبقا للعهدة حستى وجسدا بلاطسة مكسورة فصاح عبد المهيمن:

- كده البلاطة، هخصمها عليك.

وصاح صبرى:

· - وأنا مالى.

ورد عليه عبد المهيمن:

- هات لى اللي كسرها وأنا أخصمها على المتسبب.

ونظر صبرى حوله فوجد المواطن رفاعي الذى يعانى مسن سمنسة مفرطة ويسير يوميا حتى يفقد بعض الوزن فجرى إليه وقفز عليه وهو يصيح:

- ده اللي كسر البلاطة، الوزن بتاعك تقيل أوى على بالاط الرصيف.

وفزع رفاعى فأطاح بصبرى من عليه، وطار صبرى فى الهسواء ليسقط فى النيل ويقفز وراءه العديد من المارة كى ينقسدوه، وبعسدها أخرجوه من النيل وأمسكوا برفاعى، ذهبوا به إلى القسم ليقول عبد المهيمن للضابط النوبتجى:

- المواطن رفاعي ده متهم بإتلاف عهدة حكومية والتعدِّي على على موظف أثناء تأدية عمله ومحاولة قتله.

ويتم إيداع رفاعي في غرفة الحجز تمهيدا لعرضه على النيابة.

وصلت مشيرة إلى حديقة الحيوان بعدما نَمَى لعلمها أن البوليس يحاصرها، وذلك كى تعلن حقيقة ما حدث أثناء تحميض الصور التى التقطها لها مصطفى واقتحمت مكتب المدير لتخبره.

وأثناء ذلك كانت نجوى استردت وعيها لتجد نفسها فى قفسص مفروش بالقش فى المستشفى البيطرى وأمامها إمسام الضسو كاتسب المستشفى يسجل بياناتها وهو يقول:

- من الثديبات، رباعية الأطراف بدون ذيل.

وصاحت قيه:

- أنت بتكتبني أنا؟

ورد عليها:

- أمال بكتبني أنا.

وصرحت:

- إوْغَى تكتب اسمى يا حيوان.

وصاح:

- ما هو كلنا حيوانات، لكن كويس كده.. أروح أجيب لــك وجبة.

وذهب وعاد إليها ببعض الحشائش والفول السوداني وأخذ يقذف عليها الفول وهو يصيح:

- ياللا ده حلو ليكي بعد الشروده اللي كنتي فيها، لو مالكيش نفس، بموزى.

و صاحت فيه:

-- يعني إيه؟

ورد عليها:

- يعنى لا مؤاخذه تفضى اللي في بطنك.

وصاحت:

طلعنی من هنا، یا حیوان.

ورد عليها:

- مقدرش، الدكتور أمر بدخولك ولما يمر يبقى يخرجك، وبعدين لازم أحضرك مادام مابموزتيش أنا هعمل لك حقنة.

وصاح:

- يا واد يا عكروم هات حقنة شرجية مبسم قرد.

و دخلت مشیرة عندما عرفت أن نجوی تم حجزها وهی فی غرفسة المدیر وصاحت نجوی:

- الحقيني يا مشيرة هتبهوز.

وأتى عكروم وفي يده ما يشبه خرطوم الحريق وقال:

-- يا عم إمام مباسم القرد بايظة جبت لها مبسم الفيل.

وصرخت نجوى وذهبت مشيرة إلى المدير الذى حضر معها ليبادره إمام:

-- شرودت تابى قبل ما نبهوزها.

وقالت مشيرة:

- مُكن أستلمها.

ورد إمام:

- لا أنا سجلتها عهدة مهداة من شرطة النجدة.

وقال المدير له:

- وليه الاستعجال ده، ثم نظر لمشيرة وقال:

- دلوقتی مقدرش أدیها لك، ولو عاوزاها إبقی اشتریها فی مسزاد
 جنینة الحیوانات.

(£)

وقف الأستاذ وجدى عبد المنعم وسكرتيرته الآنسة نـــرمين أمـــام العميد فؤاد في مديرية الأمن يدافع عن نفسه ويقول:

- يا سعادة الباشا المستولة عن كده مجررة عندى اسمها مشيرة وأنا هرفدها.

وصاح العميد فؤاد:

- الكلام ده هقبله منك لو جبت مشيرة واعترفت وألا هقفـــل المحضر ضدك إزعاج للسلطات وترويج إشاعات كاذبة.

وعاد وجدى حانقًا على مشيرة التي وجدها في مكتبه، وبمجرد أن دخل ذهب إليها ليضربها فإذا بما تريه صورها مكان كوبرى قصر النيل والأسد غير موجود فقبلها وصاح:

- قولوا للمطبعة تستني، وسريعا أخذ يكتب هو ومشيرة موضوعا بدءاه بعنوان "من نقل الأسد".

إلا أن الشرطة أتت للقبض على مشيرة بتهمة إزعاج السلطات وأرقم الصور وصاح ضابط الشرطة:

- وإنتى مالك ينقلوه ولا يشيلوه.

وصاحت:

- إزاى اده أحد معالم القاهرة وكان لازم ياخدوا رأى الناس، الدنيا اتغيرت يا حضرة الضابط.

وتم عمل محضر لها وأصر الضابط على إحالتها للنيابة واصطحابها للقسم وحجزها لحين العرض على النيابة. وصاحت وهي تسير مسع الضابط:

- بلغ نقابة الصحفيين والفضائيات ومنظمات حقوق الإنسان والجرايد الصفرا واللي مش صفرا.

وأردف لها الضابط:

- وبلغ أمها يمكن هي اللي تنفعها وتبعت لها لقمة تاكلها وهي في الحجز.

وبعد ساعات قليلة كانت الجريدة مع بائعي الجرائد يصيحون:

- أسد قصر النيل، اقرأ حكاية الأسد.

إلا أن مع نشرة الأخبار في التليفزيون قالت المذيعة:

- جاءنا البيان التالى من وزارة الداخلية، حيث أعلنت وزارة الثقافة ومحافظة القاهرة ألهما لم يقوما بنقل الأسد فاتضح لنا أنه تميت سرقة أسود كوبرى قصر النيل وحاليا تجسرى التحسيريات لمعرفة

ف مديرية الأمن جاء العميد فؤاد من اجتماع ويبدو عليه العصبية وصاح في الرائد صلاح:

- عاوز كل من له علاقة بالكوبرى أو الأسد يكون عندى فورا. ورد صلاح:
 - البنت اللي اسمها مشيرة الصحفية محجوزة في القسم. وقال العميد فؤاد:
- دى أول واحدة عاوزها علشان أعرف اشمعنى هـــى مــن دون الناس اللى أحدت بالها إن الأسد ضاع.

وقال صلاح:

- وبالرجوع لجميع المحاضر لقينا فيه واحد اسمه رفساعي اتخسانق الصبح مع الموظف صاحب العهدة.

وقال فؤاد:

هاته وكل القوات تحضر لى أى واحد ليه علاقة بــالكوبرى أو
 الأسد ومش هكرر كلامى.

وما إن انتهى حتى دخل عبد المهيمن ومعه صبرى وسألهما فـــؤاد عن كُنْههما فرد عبد المهيمن:

- أنا عبد المهيمن مدير إدارى لكن المفروض أكون عسام لسولا الرسوب الوظيفي وفي الحقيقة إحنا جايين في موضوع خاص بالأسد.

وقدم عبد المهيمن مذكرة للعميد فؤاد، وقال فؤاد:

- معنديش وقت اقرأ، قول أنت عاوز إيه؟

وقال عبد المهيمن:

- فى الحقيقة دى مذكرة عاوزين توقيع سيادتك على الإقرار اللى عليها علشان كده نثبت إن الأسد ضاع فى غير أوقات العمل الرسمية يعنى المسئولية تقع على الجهة الحارسة له ويتم خصمه على المحوزير المختص.

وصاح صلاح:

- يعنى عاوز تخصم الأسد على وزير الداخلية.

ووجد عبد المهيمن نظرات الغضب في أعسين العميد والرائد فاستدرك قائلا:

- لا العفو مش على سعادة الباشا الوزير نفسه ولكن على مسن يحل محله في الجهة المتواجد بها الأسود.

وصاح فؤاد:

- يعنى عاوز تخصمه عليا أنا.

واستدرك عبد المهيمن ثانيا وقال:

- لا العقو مش على سعادتك، لكن فيه من ينوب عنك في الحراسة المسائية.

وأضاف باستعطاف:

- إن شاء الله العسكرى الذي يتولى خراسة الكوبرى.

وهنا قال فؤاد:

- يا صلاح خد الاتنين دول على ما أفسوق لهسم وشسوف لي عسكرى الحراسة.

وتساءل صلاح:

- علشان نعمل له استمارة خصم؟

وصاح فؤاد:

- علشان أعرف منه إيه اللي حصل بالليل، أول ما ييجي يستلم ورديته هاته وتعالى.

(7)

فى إحدى الغرف فى مديرية الأمن جلست مشيرة ورفاعى وعبسد المهيمن وصبرى وانضم لهم الأستاذ وجدى عبد المسنعم وسكرتيرته نرمين وصاح وجدى فى مشيرة:

- أنا أتبهدل البهدلة دى يا مشيرة؟

وسألته مشيرة:

- بلغت حقوق الإنسان؟

ورد وجدى:

- قالوا ده لسه تحقيق ومحدش خالف حقوق الإنسان.

وسألته مشيرة أيضا:

- جبت المدام؟

ورد صبرى:

آه بس هی فی حالة هلوسة و بتقول أنسا متشسرودة، محسدش يبهوزن و بعدين تصرخ.

وقالت مشيرة وهي تبتسم:

- طب بلغ بأه حقوق الإنسان ووزارة الصحة.

وما إن انتهت حتى دخل المصور مصطفى وعبد الجبار القرى الذي كان مصطفى يلتقط له الصور وصاح مصطفى في مشيرة: - مش اتفقنا أنك متقوليش لحد إن الأسد ضاع، علشان الناسس تفضل تتصور، أهه قبضوا عليا.

وقالت مشيرة:

- ليه وأنت مالك؟

وصاح عبد الجبار:

- ماله إزاى؟ ده سرق الأسد من الصورة بتاعتى.

وقال مصطفى:

- ضربنى فى الشارع وهو بيقول يا حرامى الأسد فجابونا إحنا الاتنين.

وفى حى شعبى فى القاهرة كان اثنان من المخبرين سمعا صياح امرأة تقول:

- آه يا سبعي.

فاقتحموا عليها المسكن ليجدا زوجها مات وهي تولسول عليه فقاموا بالقبض عليها وقالت:

- يا حضرة الصول ده جوزى مات.

فقال المخبر:

- وإحنا مالنا ومال جوزك، إنتى بتدعى إن السبع بتاعسك ولازم البيه الباشا بتاعنا يشوفك؟

وقاما بجرجرتها فصاحت:

- خلاص هقول يا جملى، ولا بلاش أقول حاجة، ده حتى كـان مدوخني ومغلبني ومرر عليا عيشتي.

وما إن قام المخبرون بإحضار السيدة حتى سمع الجميسع صوت

انفجار وأعقبه حوار بين شخص والرائد صلاح.

وقال صلاح:

- الحيوان ده أنا قلت له ينفخ بالراحة ويقسيس كسل شوية وميعديش ٢٨.

وصاح الجميع:

- نفخ.

وصاحت مشيرة في وجدى:

- الحق بلغ حقوق الإنسان بالموبايل.

وأخرج عبد المهيمن شهادة طبية بما أدوية وحين دخـــل صـــلاح الغرفة قدمها له قائلا:

- يا باشا دى روشتة طبية بما علاج علشان البواسير يعنى أنسا معافاة.

وتساءل صلاح:

- معافاة من إيه؟

ورد الجميع:

- من النفخ.

وفهم صلاح فطمأهم قائلا:

- إللي حصل ده كان من الورشة، وبتاع الكاوتش كل يوم يفرقع له عجلة، ثم نظر إلى جندى وقال:

- نادى لى فرج.

وصاح الجميع:

- بتاع الكرنك.

وهنا صاح صبرى:

- أنا معنديش بواسير ومستعد لبناع الكاوتش.

واستدرك صلاح ثانيا:

- الأستاذ فرج ده الكاتب اللي هيسجل أقوالكم، اطمنوا خالص. وقبل أن يأتي فرج دخل العميد فؤاد وقال لصلاح:

- سيبهم يروحوا.

وتردد صلاح وقال:

- نخليهم يمكن نحتاج لهم.

وأصر فؤاد:

- سيبهم يروموا.

وفهمت مشيرة بحاستها الصحفية، وكذلك الأستاذ وجدى، أن هناك شيئًا جديدًا فتركوا الجميع يغادرون المديرية وتصنتوا على الباب المغلق.

وداخل الغرفة المغلقة كان فؤاد مع صلاح ودخل الجندى سسعد الحارس من باب داخلي وقال فؤاد:

- خلى الحمار ده يقول إيه اللي حصل.

وقال سعد:

- إمبارح فى نص الليل جت عربية نجدة وترللا وونش ونزل من عربية النجدة باشا عميد وقال لى اسمك إيه؟ قلت له سعد الحسارس. وقال لى يا سعد شوف الورق ده وكان معاه أوراق ياما مختومة بخستم النسر، وقلت له ورق إيه يا باشا اللى أشوفه وراك فهبدى بالقلم وقال لى لا مؤاخذة: يا بن الكلب لازم تتأكد وده ورق علشان ننقل

الأسود. وفي ظرف ساعة كانت الأسود على التريللا ومشيوا.

وسأله صلاح:

- وشفت الورق وقريته.

رد سعد:

- شفت الورق وكان عليه أختام ياما بس مش عارف فيه إيسه، أصل أنا لسه في فصول محو الأمية.

وسأله صلاح:

- وسبته ياخد الأسد.

وقال سعد:

- لا الباشا كان معاه عمال وهم اللي أخدوا الأسد.

وسأله صلاح:

وأنت معملتش حاجة خالص.

ورد سعد بابتسامة:

- إزاى يا باشا أنا عملت لهم شاى فى النصبة اللى عاملها تحست الكوبرى.

(Y)

مرت عدة أيام وظل الأسد مفقودا، وذات يوم كان العميد فسؤاد يتوجه إلى مكتبه فتلقى مكالمة تليفونية من أحد رؤسائه قال له:

- يا فؤاد حركة الترقيات قربت ولازم الأسد يرجع قبلها.

وبسرعة قام فؤاد بالاتصال بصلاح ورد صلاح:

- الراجل المطلوب معانا وفي انتظار سيادتك.

أما باقي الطريق فسمع فؤاد أغنية هابطة قادمة إليه مسن إحسدى

سيارات السرفيس تقول كلماها "قول لى يا أسد مشيت ليه وعامل إيه في غربتك" وأدار وجهه ليجد إعلالًا عن مسرحية "إحنا اللى سرقنا الأسد" ووصل إلى مديرية الأمن وأثناء توجهه إلى مكتبه قابل اثنين من المخبرين يمسكان بشاب وبسؤالهم عنه أجاب أحدهم:

- لقيناه بيبيع حشيش على كوبرى قصر النيل ماركــة دمـاغ الأسد.

ودخل مكتبه ليجد الرائد صلاح ومعه رجـــل الأعمـــال ســعيد المفتاح، وهب سعيد واقفا يسأل:

- أنا عملت إيه يا باشا، أنا حلفت على المصحف لصلاح بيه أبى معنديش فيلا في سويسرا.

وفتح العميد فؤاد درج مكتبه وأخرج صورًا فوتوغرافية وأراهـــا لسعيد وقال:

- لا، عندك ودى الصور وأنت في جنينة الفيلا.

وأسقط في يد سعيد وقال:

- هو الموضوع ضرايب، إن كان كده لتصالح وكمان أنا مستعد أجدول قروض البنوك.

ثم أخرج سعيد من جيبه أجندة وضعها على عينيه وصاح:

- وأحلف لك على المصحف يا باشا.

وصاح فؤاد:

- مش ده المصحف اللي أنت حلفت عليه قبل كده؟ وأخذ فؤاد الأجندة من يد سعيد وتصفحها ثم صاح:

- دى أجندة.

وقال سعيد بخبث:

- ما أهو عاملها مصحف حلفان.

وهنا قال فؤاد:

- أنا عاوزك تشترى آثار مهربة بحجة أنك عاوز تزين بيها الفيلا اللي في سويسرا يمكن اللي سرقوا الأسد يعرضوه عليك للبيع تقوم تبلغنا.

وقال سعيد:

- بس الآثار مش كارى.

وهنا صاح صلاح:

- يعنى بتشتغل مخدرات وغسيل أموال بس.

ورد سعيد:

- ماشى يا باشا أشترى أثارات بس هسلمهم للمصلحة بعد مـا تنتهى العملية.

وهنا قال فؤاد مهددا:

- أنت عارف لو ماركة دماغ الأسد ما اتسحبتش من السوق هعمل فيك إيه؟

وقال سعيد:

- تتسحب يا باشا ومالناش دعوة بالأسود ولا السباع.

 (Λ)

في المساء كانت إحدى المحطات الفضائية تستضيف مشيرة وبعض الضيوف في حوار حول اختفاء الأسد وبدأت المذيعة قائلة:

- ظل مكانه ما يقرب من قرن ونصف ثم قرر الاختفاء في ظروف

غامضة بل الأربعة معا اختفوا لماذا؟

وقالت مشيرة:

- طبعا ثابت للجميع ألها حادثة سرقة وأهم حاجة أنه يرجع لأن ده أحد معالم القاهرة.

وصاح الأستاذ الدكتور علم الدين السركي أسستاذ التساريخ الحديث:

- لا، ده مش أحد معالم القاهرة، ده اللي حطه هنا الخديوى وهو يرمز للعهد البائد وأحسن أنه ضاع وإحنا نحط مكانه تمثال يعبر عسن العهد الثورى علشان نكون متسقين مع الظروف الحالية ومنبقاش ضد حركة التاريخ.

ورد عليه الأستاذ الدكتور محب عزوز أستاذ الآثار:

لا، ده أنا بعتبره مَعْلَم من معالم القاهرة، ويكاد يكون أثر، وهو
 لا يقدر بمال.

وهنا قال الشيخ عبد الرؤوف المهدى فقيه الفضائيات:

- أولا أنا بشكر اللى سرق الأسد لأن دى أصنام ورفع عنا جميعا وزرها والرأى عندى أن يقوم بتحطيم هذه الأسود حال حياته وإلا سيسأل عنها يوم القيامة وعليه أن يبعث فيها الروح. ثانيا من السذى اكتشف ضياع الأسود؟ الذى اكتشف ذلك سيدة متبرجة خرجت من مترلها لتذهب إلى عملها فما الذى يدفعها إلى النظر يمينا ويسارا إلا لو أنما تبحث عن شيء لا يمت لدافع خروجها بصلة، وخروجها وهي متبرجة حرام وما بني على الحرام فهو باطل، والقضية بذلك تكون قد أسقطت.

- هل يعود الأسد؟ وهل تمت سرقته حقا أم أن هناك من يقف وراء ذلك؟ وهل المخابرات المركزية يد في ضياع الأسد من أجل شغل العرب عن خطط أوسع، إجابات هذه الأسئلة تسمعونها في برنسامج الكلام الضائع.

(۹)

نجحت خطة العميد فؤاد والرائد صلاح واستطاع رجل الأعمال سعيد المفتاح في عقد صفقة لشراء الأربعة أسود بعدما اشترى العديد من الآثار المهربة وتم القبض على العصابة وعودة الأسود إلى أماكنها وعاد العميد فؤاد إلى مكتبه ليفتح التليفزيون ليجد المهنع المستجهم يصرخ:

- هل عادت الأسود حقا؟ وهل هى نفس الأسود أم قام أحدهم بصناعة أربعة أسود مشابحة للأسود الضائعة؟ وهل تسمح الحكومة المصرية للجنة دولية بالتفتيش للتأكد من أن الأسود أصلية، انتظرونا فى برنامج الكلام الضائع.

وأثناء ذلك توجه سعيد المفتاح لمصلحة الآثار لتسليم الآثار الستى اشتراها وكى يقبض الفلوس التى دفعها ورد عليه الموظف:

- آثار إيه يا سيد اللي اشترقها، إحنا في مصر بنجيب الآثار مسن تحت الأرض.

وقال سعيد:

- أنا مقدم لك خطابات من وزارة الداخلية تفيد بأنى اشــــتريت الآثار بمعرفتهم.

وقال الموظف:

- أنا ماليش دعوة بالداخلية كان لازم تاخد إذن المصلحة قبل ما تشترى أى حاجة، اتفضل يا محترم.

وعاد سعيد للعميد فؤاد وقام العميد فؤاد بعرض الأمر على النيابة التي قررت على لسان وكيل النيابة:

وصاح سعيد:

- أنا اشتريت الآثار من حرامية، هو فيه حرامي بيدى فاتورة. ولم يعره وكيل النيابة التفاتا ولكن محامي سعيد همس له:

- إحنا نضرب فواتير وخلاص علشان نخلص.

وفى نفس اليوم أتى صبرى موظف عهدة كوبرى قصر النيل ومعه رئيسه الأستاذ عبد المهيمن للعميد فؤاد ومعهم مذكرة وقال عبد المهيمن لفؤاد:

- مطلوب إن سيادتك توقع هنا على أن الأسود هي الأصلية لأن فيه إشاعات إن الداخلية ضربت أربع أسود مكائم.

وصاح فؤاد:

- يعنى الداخلية هتزور.

وقال عبد المهيمن:

- لا يا باشا.

وفر عبد المهيمن وصبرى من أمام العميد فؤاد إلا أن عبد المهيمن قال لصبرى:

- إما تقدم ما يثبت أن الأسود أصلية أو هخصمهم عليك.

خرجت مشيرة من مديرية الأمن بعدما قامت بعمل حديث مسع العميد فؤاد والرائد صلاح وهنأهم على مجهودهم وأثنساء عودها وعودها وعبورها كوبرى قصر النيل وجدت الأسد يبتسم لها وقالت في سرها:

- يا ترى بيضحك على إيه ابن اللـــ....



توبة شيطان أحمق

فی مکان ناء علی سطح جزیرة أو فی صحراء، أو وسط الجلیسد القطبی، تجمع فی بناء وحید فی الخلاء شیخ سنی و إمام شیعی وقسس أرثو ذكسی وقس كاثولیكی وقس بروتستانتی وحاخام یهودی.

وسابعهم من أرسل لهم وأحضرهم إلى ذلك البناء الذى لا يدرون أين ولكنهم أتوا، في قاعة فسيحة جلسوا وملابسهم تنم عن عقيدهم، فلم يبدأ اجتماعهم بتعارف وإنما بكلمة من سابعهم الذي ختمها قائلاً:

- وبصفتى مندوب عن الرئيس الأمريكي فإنى أبلغكم أن رئسيس الولايات المتحدة الأمريكية يدعوكم لاتخاذ قرار بقبول أو رفسض الطلب المقدم من الشيطان له بالتوبة كي يكون القرار معرًا عن الإنسانية ومعتقداتها جميعًا.

ساد وجوم بين الحاضرين للحظة ثم تلفت الجميع يمينًا ويسارًا فلم ير أحد على وجه الآخر ما يوحى له بقرار.

وأردف مندوب الرئيس الأمريكي:

- اعتقد أن نرفع الجلسة ونستأنفها بعد ساعتين علنا حتى نكسون قد بدأنا وضع ملامح القرار وأذكركم بأن الرئيس الأمريكي سيتخذ القرار الذي تتفقون عليه.

فى غرفة جانبية جلس مندوب الرئيس الأمريكى مع مستشاريه وبدأ معهم جلسة عصف ذهنى كى يتوصلوا إلى قرار يقودون مندوبى الأديان له.

وقال مندوب الرئيس:

- لندرس المكاسب التي تعود على الولايات المتحدة الأمريكيــة

والخسائر التي قد تلحق بما في حالة قبولها أو رفضها لتوبة الشيطان.

ورد باحث في الشئون الدينية:

- وإذا كان الأمر كذلك فلماذا أرسلت لمندوبي الأديان ليتخذوا قرارًا.

ورد عليه مندوب الرئيس:

- المعلومات المتوفرة لدينا تجزم بأن اتخاذهم لقرار يكساد يكسون مستحيلاً، والاحتمال الأكبر أن تثار بينهم المشاكل العقائدية على نحو يكبل حركتهم وحريتهم في اتخاذ القرار، ولذلك سيتعين علينا في إحدى المراحل أن نضع أمامهم قرارًا يوافقون عليه دون المساس بعقائدهم وفي نفس الوقت يرفع عنهم حرج اتخاذ القرار.

وقال باحث في شئون الشيطان:

- وهل تأكدت الحكومة الأمريكية من جدية الشيطان في التوبـة وأنه لا يخدعها ولا يكذب؟

وهنا رد مندوب الرئيس:

- دعونا لا نخرج عن موضوع القضية وهو قبول أو رفض توبسة الشيطان وأن يتحول إلى تابع لأحد الأديان السماوية، أما كونه يكذب فدعنى أذكرك بأن الحكومة الأمريكية في حال اكتشافها كذبه فستعلن ذلك وتنذر أصحاب الدين الذي تحول إليه الشيطان بطرده من ذلك الدين أو تحمل العقوبات الوخيمة التى قد تصل لاستخدام القوة العسكرية ضد أتباع ذلك الدين في حرب مقدسة تدعو فيها العالم للتحالف معها ضد أتباع ذلك الدين.

في أحد أركان القاعة جلس الشيخ السنى مع الإمام الشيعي وكل

منهما يتوجس ريبة من الآخر ويخشى أن يمسك عليه خطأ دينيا، وبدأ الحديث الشيخ السنى قائلا:

- لنصل ركعتين الله كي يلهمنا الصواب.

ووقفا واتجها ناحية القبلة ثم نظرا لبعضهما وأخرج الإمام الشيعى حجرًا من جيبه كى يسجد عليه واستعد الشيخ السنى ليؤم الصللة فقال له الإمام الشيعى:

- نحن لا نصلى خلف إمام سني.

وبدأ الإمام الشيعى صلاته سريعًا منفردًا فهو أيضا لا يرغسب أن يؤم صلاة تابعه فيها سنى. وفى الركن الآخر بدأ القساوسة صلواهم كل على حدة أما الركن الثالث فجلس فيه الحاخام وحيدا يتمتم بصلاته وكان الركن الرابع خاويًا كأنما اتفقوا على تركه للشيطان يتوب فيه أو يتلاعب بهم جميعًا.

(Y)

دخل مندوب الرئيس الأمريكي ونظر إلى الستة رجال نظرة كانت كافية لأن يعرف أنه لا يوجد اتفاق بين الجميع فقال:

- إذًا، هل هناك تساؤل من أحد منكم قد يبدد المخاوف ويساعد على اتخاذ القرار؟

وقال أحدهم:

- هل دارت مباحثات سرية بين الشيطان والرئيس الأمريكي وهل هناك اتفاق سرى بينكم وبينه؟

ورد مندوب الرئيس:

- كل ما هنالك أن الشيطان قدم طلبًا للرئيس الأمريكي برغبتــه

فى التوبة ولم تحدث مقابلات مباشرة ولا يوجد اتفاق سرى وإنما أتسى الشيطان إلى البيت الأبيض وأفصح عن رغبته وتقابل مع أحد أعضاء السكرتارية حيث قدم طلبًا كتابة.

وقال الإمام الشيعى:

- ولماذا لم يقدم الطلب لنا نحن المتولين أمر العقيدة.

وقال مندوب الرئيس:

- بسؤال الشيطان نفس السؤال رد بأنه يعرف أن طلبه كسان سيقابل بالرفض إما من الجهة الدينية نفسها أو من باقى الأديان حسال قبول الجهة الدينية التى قدم لها طلب توبته كما أنه سيؤدى بتلك الجهة الدينية التى قبلت طلبه إلى أن تكون متهمة من بساقى الأديسان بأفسا تحالفت مع الشيطان.

وصمت ثم أردف في لهجة جادة وصارمة:

- كما دعوى أذكركم بأنه فى عصر العولمسة واحتسرام حقوق الإنسان وعقيدته لابد من وجود حكم بين أتباع الأديان كي تحتسرم كافة الحريات ومفهوم أن القوة الأولى والوحيسدة فى العالم لسديها مسئوليات والتزامات تجاه ذلك.

وقال أحد القساوسة:

- وفى حال قبولنا طلبه فأين سيعترف بخطاياه وأى دين سيتبع. وقال مندوب الرئيس الأمريكي:
- فى حالة قبولكم لطلبه سيكون له حرية اختيار السدين السدى سينتمى إليه ومن الممكن تنظيم لقاء عالمى له يحضره مندوبو الأديسان ويذاع فى محطة السى إن إن على الملاً.

وقال القس الأرثوذكسي ثائرًا:

- السي إن إن ليست كنيسة حتى يعترف فيها.

نظر الجميع للقس الأرثوذكسي وقال مندوب الرئيس الأمريكي:

- من الممكن حل مثل هذه النقطة الخلافية فمن الممكن أن تقسوم الحكومة الأمريكية بإنشاء كنيسة في مقر إدارة محطة السي إن إن يستم فيها الاعتراف أو لنقل مجمع للأديان به مسجدان وثسلات كنسائس ومعبد وتكون إدارة المجمع ككل للجنة تابعة للكونجرس الأمريكي ويعترف أمام رئيس اللجنة.

رفع مندوب الرئيس الأمريكي الجلسة وطلب من الأعضاء الستة أن يتباحثوا فيما بينهم بصورة جدية.

(٣)

جلس القس الكاثوليكي والقس الأرثوذكسي معًا.

وقال القس الأرثوذكسى:

- لابد أن يعترف الشيطان بخطاياه فى كنيسة أرثوذكسية فى الإسكندرية أمام بابا الأقباط فنحن أصل المسيحية ومصر هى البلد التى احتضنت المسيح والعذراء و..

ورد عليه القس الكاثوليكي:

أرى أن رمز المسيحية اليوم هو بابا الفاتيكان ولابد للشيطان أن
 يعترف أمام قداسة بابا الفاتيكان.

ورد عليه القس الأرثوذكسى:

- أرى أننا بخلافنا سنعطى الفرصة للحاخام اليهـودى والقـس البروتستانتي لأن يتحالفا ومعهما الحكومة الأمريكية ولابد لنا مـن أن

نتفق ولو على أقل القليل.

وهنا قال القس الكاثوليكي:

- ليعترف الشيطان في مدينة بيت لحم بحضور قداسة بابا الفاتيكان وقداسة بابا الفاتيكان وقداسة بابا الإسكندرية.

واعترض القس الأرثوذكسي:

- لتنسحب إسرائيل أولا كى لا يكن لليهود سلطة على ذلك الاجتماع.

وقال القس الكاثوليكي:

- لقد برأ قداسة باب الفاتيكان اليهود المعاصرين من دم المسيح. ورد القس الأرثوذكسي ووجهه مكفهر":

- لم نبرتهم نحن من دمه وسيظل اليهود حاملين لذنب تآمرهم على السيد المسيح حتى يوم القيامة.

وجلس الشيخ السني مع الإمام الشيعي:

وسأل الشيخ السني:

هل من حقنا رفض توبة أى مخلوق.

وقال الإمام الشيعي:

- لا ولكن للتوبة شروط وهي الاعتراف بالخطأ وتصحيحه والندم عليه وألا يعود له ثانيًا.

وقال الشيخ السنى:

- ولكن الله قال في القرآن إن إبليس في جهنم خالد فيها.

وقال الإمام الشيعى:

- إذا فهو يكذب وهو منافق ونرفض توبته.

وقال الشيخ السنى:

- ولكن لنا أن نحكم بالظاهر أما الباطن فلله، وهنا فلابد لنا مــن قبول توبته والله يحاسبه على كذبه ونفاقه.

وهنا قال الإمام الشيعي:

- ولكن لابد من محاكمته على تآمره على الحسن والحسين وعلى بن أبي طالب كرم الله وجهه.

ورد الشيخ السني:

- وعلى مؤمرات القتل للأنبياء وإيذائه لمحمد صلى الله عليه وسلم وقتل عمر وعثمان.

وهنا قال الإمام الشيعي:

وقال الشيخ السنى:

- لو كان الأمر كذلك فلماذا يعرضون علينا المسألة.

ورد الإمام الشيعي:

أنك تحالفت معهم أيضا وقد وصلوا إلى هدفهم باستقطاب
 بعض أتباع الأديان ذوى النفوس الضعيفة أمثالك.

ورد الشيخ السني:

- الزم حدك فإنك متعصب ولا يوجد ما يدعو إلى أن نتشساجر لنترك الساحة للشيطان، فإن لم نقبل توبته فسيذهب إلى دين آخر، ولا تنس أنه مخادع وفي الدنيا منذ قديم الأزل وسيعلن أنه يذهب إلى الدين الذي يعرف أنه الأصح وسيجذب البسطاء له وتكون فتنة عالميسة لا

مثيل لها.

وهدأ الإمام الشيعي وقال:

-- حقا إننا في ورطة.

إن كان شعور الورطة قد طغى على الشيوخ والقساوسة إلا أن الحاخام لم يراوده مثل هذا الشعور قط فقال للقس البروتستانتي:

- أرى أن أمر توبة الشيطان لا يخصنى؟

ورد القس البروتستانتي:

- كيف وأنت رجل دين وتعرف تبعات ذلك، ودعني أفصح لك عن خاطر يفزعني وهو: ماذا سيكون العالم إذا انتهى الشر؟

ورد الحاخام عليه:

- في حالة توبة الشيطان فلن نقبله يهوديًّا بأى حال.

ونظر إلى القس البروتستانتي إلا أن الحاخام أردف:

- لا يمكن لإبليس أن يصبح يهوديًا في عرف المعبد حيث إن أمه ليست يهودية، كما أن توبة الشيطان لا تعنى نماية الشر فبإمكاننا لصق لممة الشر بأتباع الأديان المخالفة لنا، عزين القسس إن مصلحة اليهودية فوق كل اعتبار، ولابد من وجود الشرحتى يهبط السيد المسيح للقضاء عليه وإقامة مملكة الرب.

وقال له القس البروتستانتي:

ولكن فى حالة نهاية الشر وسيادة الخير فى العالم سنكون وصلنا
 إلى مملكة الرب دون حروب.

وفكر القس البروتستانتي وأردف:

- بالطبع ذلك يستدعى اتفاقًا مع المصالح المتعارضة كصناعات

السلاح التى لن تجد رواجًا إذا انتهى الشركما أن هناك أشياء أخرى تستدعى ترتيبات مسبقة، فحقوق الإنسان والمسرأة والشسواذ بل والملحدون وأصحاب الديانات غير السماوية هل سيقوم الشيطان بالالتزام تجاههم وهل سيهدى الملحدين أولا وهل سيكونون تابعين له في دين جديد أو سيجذهم إلى الدين الذي سيختاره.

(\$)

فى مقر إقامة مندوب الرئيس الأمريكي كانت المناقشات محتدمـــة فقال الباحث في شئون الأديان:

- لا تنسوا يا سادة أن الولايات المتحدة الأمريكية عندما كانست تقف أمام الاتحاد السوفييتي السابق أطلقت عليه امبراطورية الشركي تجذب تعاطف المؤمنين معها بل وساعدت المؤمنين من أتباع الأديسان لمقاومته في حروب مثل حرب أفغانستان ولذلك لا تستطيع الولايات المتحدة أن تقبل توبته منفردة وإلا أطلق عليها المتدينون امبراطوريسة الشر الثانية.

ورد عليه الباحث في شئون الشيطان:

- ولكن فى حالة عدم اتفاق الأديان على بدء الحوار مع الشيطان فمن المتوقع أن يطلب الشيطان من أتباعه السمعى لمدى حكومة الولايات المتحدة لتأمين عبادة الشيطان وكفالمة حريمة الممارسمات الشيطانية.

ونظر لهم مندوب الرئيس الأمريكي:

وهنا تقع الحكومة فى تناقض جديد إذ إلها لا تستطيع رفيض
 أتباع الشيطان لمجرد ممارسة حريتهم فى العبادة.

وهنا أذاعت محطة السي إن إن خبرًا عاجلاً فقال المذيع:

- صرح المتحدث باسم البيت الأبيض أنه ليس هناك أى صحة لما تردد عن أن الولايات المتحدة الأمريكية تنوى الاعتراف بعبادة الشيطان كدين منفصل معترف به إلا أنه طبقا لحقوق الإنسان فهى لا تستطيع منع عبدة الشيطان من ممارسة حريتهم فى إقامة شعائرهم طبقًا لمبدأ حرية العقيدة.

وهنا ثار مندوب الرئيس الأمريكي قائلا:

- ماذا يفعل أولئك الذين فى البيت الأبيض، فهم يظنون أله بدلك يقومون بالضغط على مندوبى الأديان لاتخاذ قرار، بينما سيؤدى هذا التصريح إلى توحدهم فى جبهة ضد الولايات المتحدة متهمين إياها بأنها اتفقت من وراء الستار مع الشيطان.

وهنا ابتسم الباحث في شئون الأديان قائلا:

- لتهدأ يا عزيزى فإن هذا التصريح أعلن بتوصية من لجنة البحث في شئون الأديان وفي حالة بوادر توحد المندوبين ضد الولايات المتحدة فقد أوصت اللجنة بكشف بعض الانحرافات المالية والأخلاقية للبعض في الطوائف الدينية، فيا عزيزى كل طائفة بها قلمة منحرفة ولكن الإعلام بتركيزه على بعض الانحرافات القليلة يبدو الأمر للعامة وكان الانحرافات أصبحت هي الأساس، وأعتقد أن هذا التصريح قد يسؤتي ببعض الثمار فلتذهب تأخذ دشًا ساخنًا ولتستعد للجولات القادمة التي أعتقد ألها لن تختلف كثيرًا عن الجولات السابقة.

وتساءل مندوب الرئيس الأمريكي:

- هل تعتقدون أن مندوبي الأديان لن يصلوا لقرار؟ أريد إجابــة

مباشرة.

وجاءه الرد من الباحثين في شئون الأديان وشئون الشيطان:

Y-

وسأل مندوب الرئيس الأمريكي نفسه:

- إذًا سأرتب اجتماعًا للشيطان معهم.

(0)

فى أحد الكهوف فى جبال وسط آسيا جلس شـخص ذو لحيـة كثيفة ويرتدى جلبابًا مع شخص ملامحة أوربية وشعره أصفر وبينـهما مترجم.

وقال الشخص ذو اللحية:

- ولكن سننسب العملية لنا، فنحن الذين سيكون لنا الشرف في اغتيال الشيطان وأعداء الله المجتمعين معه.

ورد عليه الشخص الأوروبي:

- لا مشاكل، فسنعد كل شيء وما علىيكم سوى استخدام المتفجرات التي أعددناها.

(7)

فى مدينة فى أمريكا اللاتينية دخل أحد الرجال دورة مياه عمومية ليجد خلف المرحاض سى دى خاص بكمبيوتر وأخده ليعود إلى الفندق المقيم فيه حيث أداره فى حاسبه الشخصى وانتهى السي دى بظهور رسالة.

- بعد دقيقتين سيتم إفساد السسى دى والحاسب الشخصي، والرسالة الأخيرة هي أنه في حالة اكتشاف الأمر فستعلن الحكومة أنه

لا علاقة له بالعملية كلها.

(Y)

ف أحد قواعد القوات الجوية لدولة عظمى نوويسة وفى مكتب الجنرال قائد القاعدة وقف الكولونيل يسؤدى التحية مستأذنا فى الانصراف:

- إذا المهمة المطلوبة هي قصف المقر بقنبلة ذرية على أن يبدو الحادث كخطأ فني غير مقصود.

 (Λ)

فى مقر أحد عصابات المافيا اجتمع الأب الروحى بابنه الأكبر وقال له:

- يا ولدى إن للشيطان فائدة، فالبسطاء يريدونه حتى يلصقوا به فشلهم والأغنياء يريدونه حتى يلصقوا به أخطاءهم وباغتيالك للشيطان ومن معه فأنت تسدى خدمة كبرى للبشرية حيث سيكون هنا شار جديد بين ابن الشيطان وقبيلته وبين البشر وستستمر الأمور كما هى وتسير الأعمال كما اعتدنا.

(9)

فى مكان ما فوق أو تحت سطح الأرض اجتمع إبليس مع قبيلتــه وقال لهم:

- عندما أخبرنى ابنى الأحمق بأنه ينوى الذهاب إلى البشر والتوبة والإيمان قررت قتله وإلصاق التهمة بالبشر وأعددت خطة فشلت، ولكنى فوجئت بنجاح ثلاث خطط بشرية لتدمير المكان بالحاضرين جميعًا ولذلك فعلينا مضاعفة جهودنا بعد تفوق بعض البشر علينا.



الكوميديا المخابراتية بغداد -- نيويورك.. راح ومجاش

بغداد ۱ ۱ ۲ ۲

دخل عزيز جورج أستاذ علم البكتريا في كلية طـب بغـداد إلى مكتبه ليجد مساعده هود الحسين في حالة توتر، وبادره هود بقوله:

- إيش هدا التقرير؟ وزير الصحة غضبان.

ورد عليه عزيز:

والله ماله حق، التقرير يمس الموظفين اللي بيسرقوا وما يخلسوا
 الدوا يصل للمرضى.

وقال له حمود:

بالحزب وصلنی أنباء صباح الیوم ألهم فی الطریق للتحقیق معك
 والله یدری إیه بیصیر.

وقلق عزيز ونظر إلى صورة صدام حسين المعلقة على الحائط وأسفلها لافتة مكتوب عليها "بالروح بالدم نفديك يا صدام" وتسذكر أيام كان طالبا وتم اعتقاله لأنه اشترك في مظاهرة داخل الجامعة تطالب بالسماح لبعض الطلبة الممنوعين من ترشيح أنفسهم أن يشاركوا في اتحاد الطلاب ومكث بالمعتقل شهرين ذاق فيهما الأمرين وقاطع حمود تفكيره قائلاً:

والله الرأى يا دكتور عزيز بيكون هروبك على أخوك ميشيل
 المهاجر أمريكا.

ورد عزيز:

العراق سجن كبير ولا حتى إبليس نفسه يعرف يخرج منه.
 وطمأنه حمود:

وصل عزيز إلى العاصمة الأردنية مختفيا في إحدى سيارات النقل التي تذهب إلى الأردن لتعود محملة بالغذاء والدواء للشعب العراقي، وكان متنكرا على هيئة عامل، وذلك بترتيب من حمود الذى رتب له أيضا من سيقابله في عمان ويعطيه تذكرة سفر إلى نيويورك وباسبورًا سعوديا مزيفا عليه تأشيرة دخول للولايات المتحدة وأخبره حمود بألهم في الولايات المتحدة لا يدققون كثيرا في الباسبورات القادمة من الدول البترولية وذلك لأن أهل هذه البلاد يكون معهم الكثير من الأمسوال ولا يسعون إلى عمل.

وفى مطار عمان نظر ضابط الجوازات إلى باسبور عزيـــز المزيــف وقال له:

- محمد السلمان، سعودى الجنسية.

ورد عزيز بعد لحظة تردد تذكر فيها بياناته المزيفة:

– نعم.

وقال له ضابط الجوازات الأردبي وهو يختم جواز سفره المزيف:

- والله أنتم السعوديين محظوظين، أي بلد تعطيكم الفيزا بسهولة.

وسافر عزیز وهبطت الطائرة فی نیویورك یوم العاشر من سسبتمبر وقابله أخوه میشیل وبعدما أخبره عزیز بأن باسبوره مزیف واسمه الذی دخل به الولایات المتحدة، طمأنه میشیل:

- جارى وصديقى ومكتبه بجوارى بيكون الأستاذ سعدون المحامى وهو أيضا عراقى فر من زمن، وسرعان ما اتصل ميشيل بسعدون وقال

له سعدون:

- خده على مترلك يا ميشيل واحضر لى الباسبور، وبالصباح راح غرّ على مكتب الجوازات ونقدم طلب له باللجوء السياسي، وهمم بيراعوا ظروفه يا أخى.. ده هارب من جحيم صدام.

وقال له ميشيل:

- والله بعطيك هالبسبور باكر في مكتبك.

وقال له سعدون:

- مو يخالف وأنا برسل له الباسبور بكير أو بعده.

(T)

نيويورك صباح ١١ سبتمبر ٣٠٠٢

استيقظ الدكتور عزيز ووجد نفسه وحيدًا في مترل أخيه ميشيل حيث إن زوجة أخيه تعمل معه في مكتبه أيضا وفتح عزيز التليفزيسون ليشاهد طائرة تصطدم بمبنى المركز التجارى العالمي حيث يوجد مكتب أخيه وظن أنه يشاهد فيلما من أفلام الكوارث أو الخيال العلمى فأعد لنفسه القهوة وعاد يجلس يقرأ جرائد الصباح وما إن انتهى منها حيث شاهد نفس المشهد وركز وسمع ولم يصدق ما سمع وفهم وظن أنه لم يفهم جيدا فأعاد التركيز والسمع والفهم وعرف الحقيقة أنه أصبح في أمريكا وحيدا بلا أوراق حيث إلها كانت مع أخيه لإرسالها للمحسامي جار أخيه الذي الهار بجما المبنى معا، كما أن شخصيته الحقيقية لا يوجد دليل عليها، وإنما كل ما لديه سطر مكتوب في الجوازات يحمل دليسل دليل عليها، وإنما كل ما لديه سطر مكتوب في الجوازات يحمل دليسل المام بأنه قدم إلى الولايات المتحدة حاملا باسبورًا مسزورًا ومنستحلاً شخصية أخرى. وظل ثلاثة أيام لا يعرف ماذا يفعل وهو حبيس مترل

أخيه كأنما هرب من سجن مفتوح في بلاد القهر إلى سجن صـغير في بلاد الحرية وكان يرد على المكالمات التليفونية التي ترد للاطمئنان على أخيه بقوله إنه لم يعرف أحدٌ بعد إن كان مات أم لا يزال علسي قيسد الحياة، وواتته فكرة وهو أن يبحث في أوراق أخيه عله يجد أي شــــيء يثبت شخصيته أو حتى صورة عائلية تجمعه مع أخيه وزوجته أيام كانا في العراق أو أثناء زيارته الأخيرة لهم منذ ما يقرب من خمس سنوات حتى وجد صورة لهم وتذكر ألها كانت في أمريكا، وكان معهم صديق لأخيه، عراقي أيضا، وكان طبيبا يحمل اسم على، وبحث في أجنسدات سيكون شاهد إثباته أنه عزيز جورج شقيق ميشيل جورج، واتصل به، وكانت أمريكا بدأت تسترد الوعى ووضعت بعض الاتصالات وخاصة التي أصحابها من أصل عربي تحت المراقبة، وبدأت تراجع من قدموا إلى الولايات المتحدة، ولم يسفر اتصاله بعلى عن شيء سوى أنه سمع رنين التليفون متكررا، وأحس عزيز بأن الأرض ضاقت بما رحبت خاصـــة وأن عليه مواجهة الجوع بعدما قاربت الأطعمـــة في الثلاجـــة علـــي الانتهاء، أما ما أزعجه حقا فهو أنه رأى صورته مرسومة باليد تظهـــر على شاشة التليفزيون مصحوبة بصوت يعلن:

"محمد السلمان سعودى الجنسية دخل البلاد فى العاشر من سبتمبر واتضح فيما بعد أن جواز سفره مزور ولا يوجد شخص يحمل هسدا الاسم ويعتقد أنه له علاقة بالتفجيرات وبالخطابات الملوثة بميكروب الأنثراكس. والمباحث الفيدرالية تطلب من كل من يسراه أن يتسوخى الحذر ويخطرها بمكانه على الأرقام التالية" ثم عدة أرقام تليفونات.

وأعاد الاتصال بعلى الذى رد عليه وكلاهما لا يعرف أن اتصالهم مراقب وقال عزيز:

- صورتی علی الشاشة، أنا عزیز جورج أخو میشیل جسورج، لكن صورتی بیقولوا أنی محمد السلمان، لأنی دخلت بباسبور مزیف، الحكایة تطول لكن أنت أملی الوحید یا أخی، أنت الشاهد أنی أخسو صدیقك لو بتذكری.

ورد على:

- أنا فى كاليفورنيا ومش هقدر أعمل لك شىء، لكسن بعساود الاتصال بيك بعد ما بسأل المحامى خاصتى ما بيصير عليك.. تتمسسى بالخير.

وبعد عشر دقائق كانت المباحث الفيدرالية حددت مكان المكالمة التليفونية وأثناء متابعة عزيز للتليفزيون وجد باب الشقة يُفتح ويدخل عدة رجال مسلحين ويصيح فيه أحدهم وهو يشبه العملاق:

- هل أنت محمد السلمان.

ويرد عزيز بالإنجليزية:

- لا، أنا عزيز، بروفسور في علم البكتريا.

فيرد العملاق:

- إذًا أنت تعرف الكثير عن ميكروب الأنثراكس.

و يجيبه عزيز:

- بالتأكيد.

ويستفسر العملاق:

- وتستطيع تحضيره.

فيجيبه عزيز:

- بالتأكيد.

وهنا يصيح العملاق لرجاله:

- لا تلمسوا أى شىء فى هذه الشقة الآن، ويأتى بعد ذلك عدة رجال يرتدون ملابس واقية كرجال الفضاء يفتشون المترل ويأخدوا عينات ويتم إيداع عزيز جورج فى أحد الزنازين تحت اسم محمد السلمان.

(٤)

على إثر ظهور صورة الدكتور عزين جسورج على محطات التليفزيون الأمريكي عرفت المخابرات العراقية بنبأ هروبه واستدعوا مساعده حمود الحسين الذي أنكر معرفته بمروبه أو بأسبابها، ولكن حمود قال لهم إنه كان يشك في عزيز جورج، وذكرهم بالتقارير السرية التي قدمها ضده وبالساعات التي أمضاها يشرح لهم أسباب شكه فيه، ولكنهم كانوا يفسرون ذلك بأن الدكتور حمود يود أن يحل محل الدكتور عزيز وأسر رجال المخابرات العراقية إلى حمود بالمهم يخشون أن يستغل الأمريكان الدكتور عزيز في ترويج شائعات عن يواجد أسلحة بيولوجية في العراق وأن العراق يقوم بتحضيرها.

وفى هذه الأثناء كان الدكتور عزيز يشرح لمسالكوم جولدمان الضابط بالمباحث الفيدرالية أنه اضطر للهرب من العراق بعدما أخبره صديقه العزيز المقرب له الدكتور حمود الحسين أن النظام العراقى على وشك اعتقاله ورد عليه جولدمان للمرة الخامسة بنفس الرد قائلا:

- لا يعنيني من أي ديكتاتورية لعينة قدمت إلى هنا، ولكن قل لي

ما تعرفه عن الجمرة الخبيثة.

ورد عزيز:

- لقد قلت أعرف كل شيء عنها.

وقام جولدمان بوضع أوراق وأقلام أمام عزيز وطلب منه كتابسة قصته كاملة، ثم انتقل إلى غرفة مجاورة بها بيتر كلايف وهو ضابط آخر في المباحث الفيدرالية حيث جلسا يشاهدان على شاشسة تليفزيونيسة الدكتور عزيز وهو يكتب قصته وقال كلايف يسأل زميله:

- أتعتقد أنه صادق؟

ورد جولدمان:

- أعتقد أن قصته حقيقية ولكن هناك احتمال أنه قد تم تدريبه لتبدو قصته حقيقية.

فقال كلايف:

- لقد أخبرنا أنه يستطيع تحضير ميكروب الجمرة الخبيثة مستخدما أدوات بسيطة، ولو أنه كاذب لكان من الممكن أن يقول إنه بالرغم من كونه عالما في البكتريا إلا أنه ليس له خبرة في تحضير الميكروب...، أعتقد أنه قال الصدق.

قال جولدمان:

صباح اليوم التالى فى بغداد ازداد شك رجال المخابرات العراقيسة فى حمود، وتم اعتقاله وتعذيبه ليعترف أنه عميل للمخابرات المركزيسة الأمريكية، وتم تفتيش منزله، وتم العثور على وثائق تثبت أنه جاسوس،

وتم قتله ووضع جثته بجوار جثة أخرى فى سيارة صغيرة قامت سيارة لورى كبيرة بدهمها حتى يبدو الأمر كحادث وتم إشسعال السنيران فى السيارة الصغيرة وتم الإعلان عن وفاة اثنين من كبار أساتذة الطب وهم عزيز جورج وهود الحسين وتم إطلاق اسميهما على شسارعين، وذلك كى تقطع المخابرات العراقية الطريق على المخابرات الأمريكية حال محاولة الأخيرة استخدام عزيز فى إطلاق شائعات على العراق فيكون الرد العراقى جاهزًا بأن عزيز جورج مات فى حادث فى بغداد.

أما فى الزنزانة التى يقيم فيها عزيز جسورج فى نيويسورك فسإن جولدمان دخلها والشرر يطق فى عينيه وصاح فى عزيز:

- عزیز جورج مات أمس فی العراق، وأنت لست محمد السلمان وهو شخص وهمی فمن تکون؟

وبدأ التحقيق من جديد مع عزيز جورج.

(0)

فى مبنى المخابرات المركزية الأمريكية جلس ريتشارد أدمز وفيليب سميث ضابطا المخابرات الأمريكية وأمامهما ملف جاسوسهم حسود الحسين الذى تم اكتشافه وقتله فى العراق، وقال ريتشارد:

- نحن الوحيدين الذين نعزف أن الدكتور عزيز جورج موجود فى الولايات المتحدة وهو شخص حقيقى وهو الآن فى قبضسة المباحست الفيدرالية التى لا تعرف عنه شيئا.

ورد عليه فيليب:

- هل تعتقد أن العراقيين اكتشفوا أن حمود الحسين جاسوس أم أنه مات في حادث؟

وقال ريتشارد:

- لو أنه مات في حادث وبجواره شخص آخر فلماذا لم يعلسن العراقيون شخصية الشخص الآخر وادعوا أنه عزيز جورج.

وقال فيليب:

- هناك احتمال أن العراقيين قرروا أن يلعبوا نفس اللعبة وأرسلوا وهبه كجاسوس ولولا حادث المركز التجارى لما اكتشفنا شخصيته، وهناك احتمال ألهم أرسلوه لإنشاء شبكة إرهاب تستخدم الأسلحة الجرثومية خاصة وأن خطابات الأنثراكس بلأت بعدما قدم إلى الولايات المتحدة.

ورد ریتشارد:

- ولكنهم لو اكتشفوا حمود كجاسوس بعد هرب عزيز فمعنى ذلك أن شخصيته لا تهمهم ولكن قرروا إلغاءه من الوجود لخوفهم من أن يتم استخدامه ضدهم، وقد يكون يعرف معلومات قيمة عن النوايا العراقية فيما يخص الحرب البيولوجية.

وقال فيليب:

- وهناك احتمال أن يكون عزيز بريئًا تماما وابتلع طعم صديقه حمود الذي خططنا له كي يتمكن حمود من القفز على منصب عزيز.

وقال ريتشارد:

- أرى أن نتركه فى حوزة المباحث الفيدرالية وهى لا تعرف شيئا عن هذه القصة فلو أن فى حوزة عزيز أى معلومات فسيبوح بها وذلك حتى نقرر كيف نستفيد منه.

وأومأ فيليب برأسه موافقا على قرار صديقه.

جلس عزيز جورج فى زنزانته حائرا لا يدرى ماذا يفعل، ولكسن بقى عنده بصيص من الأمل فى أن تقوم المباحث الفيدرالية بإحضسار الدكتور على صديق أخيه ليتعرف عليه، ودخل جولدمان بنظرة باردة قائلاً له:

- أحضرنا الدكتور على الذى تدعى أنه صديق أخيك وقال إنه لا يمكن أن يتذكر شكل عزيز لأنه رآه منذ زمن بعيد.

رد عليه عزيز:

- ألم تجدوا صورًا عائلية أخرى وتجدوني فيها.

وقال جولدمان بسخرية:

- إذا كان العراقيون أرسلوك كى تقوم بدور عزيز فلن يفوهم إجراء عمليات التجميل المناسبة لك كى تبدو مثله.

ونظر جولدمان نظرة باردة متحجرة لعزيز وقال:

- من أنت؟

أغشى على عزيز بينما جولدمان يقترب منه.

(Y)

قام جولدمان وكلايف بإعادة استجواب عزيز مرة أخرى في مبنى المباحث الفيدرالية وقال عزيز:

- إنى كرجل أمضيت عمرى فى دراسة الميكروبات. لـن أقـوم بتحضير ميكروب أنثراكس ضعيف، فهذا من أعمال الهواة.

ورد كلايف:

- ولذلك فإن من أرسله كان في انتظارك حتى يتم تقويته، ولكنك

سقطت في أيدينا.

وقال عزيز:

- إني مسيحي.

فقال جولدمان:

- أفضل من يقتل البابا هو مسيحي متعصب، وأفضل من يقتسل شيخ مكة مسلم مجنون.

وقال كلايف:

- إنى أصدقك يا دكتور عزيز بنسبة ٩٩ فى المائة ولكن الواحد فى المائة الباقى خطر فى عملنا لا يمكن تحمله، خاصة وأبى وزميلسى جولدمان عملنا متخصص جدا فى شبكات الإرهاب الستى تستخدم أسلحة التدمير الشامل، وعليك أن تثبت لنسا شخصيتك، وهده مشكلتك لا مشكلتنا، فأنت الذى حضرت لنا بباسبور مسزور يسوم العاشر من سبتمبر وحتى هذا الباسبور المزور قلت إنك أرسسلته مسع أخيك للمحامى وبعد قدومك وبوحك لنا بأنك متخصص فى علسم البكتريا بدأت الخطابات الملوثة بالأنثراكس تنتشسر. وعساد الثلاثية يسيرون فى نفس الحلقة المفرغة.

()

بعد غدة أيام تم عمل اجتماع بين المخابرات المركزية والمباحث الفيدرالية واجتمع فيليب وريتشارد مع جولدمان وكلايف، وطلبت المخابرات المركزية تسليم عزيز جورج لهم لأنه أجنبي ومن دولة معادية، وبذلك يكون من تخصصهم. وشك جولدمان وكلايف في أن عزيز عميل للمخابرات المركزية وفي جعبته معلومات تريد المخابرات

المركزية إخفاءها عن المباحث الفيدرالية، ودخل جولدمان بنظرتمه المركزية على عزيز في الزنزانة وقال:

-- متى جندتك المخابرات المركزية؟

ورد عزيز:

- لم تجنديي.

وقال جولدمان:

أتناورنى ثانيا.

وتعجب عزيز:

- قلت لك لم تجندي، وعلى الفرض أن ذلك صحيح أهى جريمة في الولايات المتحدة أن يكون شخص عميلا للمخابرات المركزية أعتقد ذلك.

ورد جولدمان:

إذا كنت قد عقدت أى اتفاق مع المخابرات المركزية لتغطية أى
 عمل غير قانوني وتظن ألهم قادرون على حمايتك فأنت واهم.

وصرخ عزيز:

- لست عميلا لأحد، وإنى أكرههم بسبب المقاطعة لبلدى، الستى يدفع ثمنها البسطاء من طعامهم وصحتهم.

أما فى مبنى المخابرات المركزية فأتت كارولين وهى متخصصة فى علم اجتماع الشرق الأوسط وانضمت لفيليب وريتشارد وقرر الثلاثة عدم إخبار المباحث الفيدرائية بأن المخابرات المركزية هى التى جلبست عزيز جورج إلى الولايات المتحدة، وذلك حتى لا تلومهم المباحست الفيدرائية لإخفاء المعلومات عنهم من البداية وترك المباحث الفيدرائية

حتى تطلب هى التعاون معهم فيكون ذلك جميلا لهم عليها. (٩)

تصارع جهازا المخابرات العتيدان وتم الإفراج عن عزيــز الــذى ذهب ليقيم فى شقة أخيه، وكان أول ما فكر فيه هو تقنين وضــعه فى الولايات المتحدة، وذهب إلى مكتب الهجرة وروى قصته بصدق تــام ورد عليه الموظف:

- تقول إنك هنا بباسبور مزور وقد تخلصت منه.

ورد عزيز:

ل تحت أنقساض المركسن التجارى.

أتى رجال المباحث الفيدرالية ليعاودوا القبض عليه، وبعد يــومين أتى له جولدمان الذى قال له:

- سنفرج عنك ولكنى أحذرك من أن يتم اعتقالك ثانيا، وأريدك أن تعلم بأنك أصبحت مسئولية المخابرات المركزية ولسنا مسئولين عنك بعد ذلك. وأمضى عزيز عدة أيام لا يغادر مترل أخيه إلا لشراء طعام، حتى أتت له كارولين، وبعد أن دخلت المترل قالت له:

- كنتُ في انتظارك؟

وردٌ عزيز:

– این؟

فقالت:

- فى مبنى المخابرات المركزية فهو ليس سرًا. ثم تركت له ظرفًا كبيرًا وغادرت المترل وطلبت منه قراءة الظرف

بعناية.

فتح عزيز الظرف ليجد به باسبورًا عراقيًّا باسمه الحقيقي وتـذكرة سفر إلى بغداد حيث نمايته المعروفة ستكون في أحد معتقلات صـدام، كما وجد باسبورًا آخر أمريكيًّا باسم آخر، ومع الباسبورين وجـد خطابا يطلب منه إما أن يغادر البلاد لوجوده غير القـانوني أو يحسرق الباسبور العراقي وتذكرة السفر ليصبح مواطنا أمريكا في برنامج هماية الشهود باسم جديد وشخصية جديدة، ليعمل أسـتاذا في مادتـه في إحدى الجامعات وينضم إلى فرق التفتيش الدولي على العراق حيث إنه سيكون أقدر على اكتشاف الأسرار في بلده.

كتب عزيز إلى كارولين خطابا قال فيه إنه يفضل الموت على ان يصبح جاسوسا على بلده، وأحرق الباسبورين وذهب إلى العنوان الذى تركته كارولين للاتصال بها، وترك الخطاب لموظف الاستقبال ثم أخرج شفرة حلاقة وقام بقطع شريان يده. تم إنقاذ عزيز وإدخاله لمصحة عقلية لإصابته بمستريا وجاءت كارولين تزوره.

دخلت كارولين غرفة عزيز لتجده وضع بجوار سسريره صسورة صدام وتحتها بالروح بالدم نفديك يا صدام، وفي الناحية الأخرى مسن الفراش صورة بوش وتحتها بالروح بالدم نفديك يا بوش. أما هو فقسد جلس على الفراش ينظر يمينا ويسارا إلى الصورتين ويضحك ويغسني ويبكى ثم يصيح:

- والإنجيل أنا مسيحي مش محمد السلمان.



أحلام فى القطار

اتخذ يس كامل مقعده فى القطار المتجه إلى الإسكندرية وما إن تحرك القطار تاركا محطة مصر حتى التقط يس أحد الجرائد التى ابتاعها قبل صعوده إلى القطار، وكانت جريدة من تلك الجرائد التى تسمى بالجرائد الصفراء، وذلك خلافا لعادته اليومية بأن يبدأ يومه بقسراءة جريدة الأهرام إلا أنه يفضل مخالفة هذه العادة أثناء ركوبه القطار كى تساعده الجريدة على أن يغط فى نوم عميق والتقطت عيناه خبرا يروى أن أحد المسئولين صرح بأن التطوير فى السكك الحديدية يسير على قدم وساق، وقبل أن يقرأ تفاصيل الخبر التقت جفونه معا و ذهب فى نوم عميق وبدأت أحلامه.

رأى يس نفسه راقدًا فى فراشه بجوار زوجته نجوى يشاهدا نشرة أخبار الساعة الواحدة والنصف بعد منتصف الليل والمذيع يقول:

- وصرح المسئول بأن أعمال تطوير الخدمة في السكك الحديدة تتم بنجاح طبقا للخطة الموضوعة.

قال يس:

- كويس دى تبقى أريح وخصوصا للناس المتعودة على ركسوب القطارات.

وردت زوجته نجوى:

- أنا مش فاهمة اشمعنى! إنت يعنى اللى كل يوم والتسابى تسسافر خصوصا لإسكندرية.
- علشان أنا اللى مسئول عن الاتفاقيات بتاعة المبيعات فى الشركة، وكمان متنسيش العمولات اللى بتطلع لى عن كل عقد.
- بتسمى دى عمولات، واحد في الألف. العمولات في الشركة

التي بشتغل فيها بتوصل لتلاتة وخمسة في المية.

- ده عشان شركتكم صغيرة والمبيعات فيها قليلة لكن المبيعات عندنا ضخمة.
- آه، الفكرة أنك عاوز تقول إن شغلك أهم من شنعلى وأن الشركة اللي بشتغل فيها أي كلام.
 - لا، مش قصدى كده.
 - لا، هو ده قصدك.
- بقولك إيه أنا مسافر بكره إسكندرية وعاوز أوصل هناك فايق، مش عاوز خناق.
 - ليه؟
 - هو إيه اللي ليه؟
 - ليه عاوز تروح إسكندرية فايق؟ هتقابل مين هناك؟
 - معرفش.
- یعنی ایه متعرفش؟ کلامك له معنی واحد، لما الراجـــل یكـــون
 عاوز یبقی فایق وهو بعید عن مراته یبقی هیقابل واحدة تانیة.
 - بطلى غيرتك المجنونة دى.

صاح المفتش بصوت أعلى من صوت شخير يس كامل كي يوقظه الله:

- التذكرة يا أستاذ.

المنتقظ يس كامل وبحركة تلقائية أخرج التلكرة من جيب الجاكت وأعطاها للمفتش قائلاً:

- خد، التذكرة أهه.

نظر المفتش إلى التذكرة وأعادها إليه دون أن يشطب عليها بالقلم كما يفعل مع التذاكر الأخرى قائلاً:

- لا يا أستاذ دى تذكرة الرجوع من إسكندرية لمصر.

- أسف، لازم دى التذكرة التانية.

نظر المفتش إلى التذكرة وأعادها إليه ثانيًا قائلاً:

- دى مش مكتوب فيها محطة القيام ولا محطة الوصول.

أخد يس التذكرة ونظر فيها وقال:

- رقم الكرسى ورقم العربية ورقم القطر مكتوبين.

- بس لازم يكون مكتوب محطة القيام ومحطة الوصول..

- الكمبيوتر غلط.

هنا صاحت نرمين أبو على الجالسة بجوار يس كامل قائلة:

- سور*ى*.

ونظر لها يس قائلاً:

- أفندم يا آنسة.

- خبيرة كمبيوتر والكمبيوتر مبيغلطش.

وأخرجت كارتين من شنطتها أعطت المفتش واحدًا وأعطت يس كامل الآخر، وأردفت:

نرمین أبو على.. خبیرة كمبیوتر ومبرمجة.

وهنا صاح المفتش:

- لازم تدفع تمن التذكرة والغرامة.

وبينما كان المفتش يستعد لكتابة الإيصال كان يس كامل يضـــع التذكرة وكارت نرمين في جيبه وقال:

- مش دافع حاجة عشان غلطة حصلت.

وصاح المفتش:

- المدام بتقول الكمبيوتر مبيغلطش.

ورد عليه يس كامل بصوت أعلى:

- خلاص اسألها الغلط جه منين، أنا لا بحب الكمبيوتر ولا بعرف

فيه.

وصاحت نومين:

- وأما أنت مبتعرفش فيه بتظلمه ليه؟ وبعدين بصرف النظر عسن كونك تحبه ولا لا، لازم تتعلمه، اللي زيك بيعتبروه أمسى في الغسرب واليابان.

وصاح يس في نرمين وهو يبرز التذكرة لها:

- طيب الغلط جه منين لما سيدنا الكمبيوتر مبيغلطش.

وصاحت هي الأخرى وهي تشاهد التذكرة:

- ده غلط فى الطباعة والكمبيوتر إداك المعلومات كلها اللى تثبت أنه عارف، طلع تمن التذكرة والتاريخ ورقم الرحلة ورقم العربية ورقم الكرسى يعنى ناقص إيه؟ يحلف لك أنه عارف؟ وبعدين لو سمحست متزعقليش أنا مغلطش علشان تزعقلى.
 - بتقولى عليا أمى ومش عاوزابى أزعقلك.
- مش أنا اللي بقول، البلاد الغربية واليابان هم اللي بيقولوا على أمثالك أمي.

وجاء صوت من الصفوف الخلفية لعربة القطار قائلاً:

خلاص يا أستاذ قدم شكوى فى الأمم المتحدة ضد البلاد الغربية واليابان.

ونظر يس كامل ونرمين أبو على والمفتش إلى مصدر الصوت ليجدوا مجموعة من الشباب تضحك على التعليق بمستيرية وقام أحدهم قائلاً:

- أنا مش بتاع كمبيوتر بس أفهم شوية في البرمجة زي المدام. وصاح فيهم المفتش:
- احترم نفسك أنت وهو لحسن هرميك بره القطر في أول محطة. ورد الشاب:
 - أول محطة سيدي جابر وإحنا نازلين هناك.
 - والله أنادى لك شرطة القطر تعمل لك محضر.

ووقف شاب آخر قائلاً:

- خلاص يا حضرة المفتش.

ثم نظر لزميله وهمس له:

- بقولك إيه مش عاوزين دوشة وشنطنا فيها أقسراص وبسانجو وممكن العربية كلها تقلب علينا وناكل علقة زى بتاعة السدور اللسى فات.

جلس الشابان وأحس المفتش بانتصاره عليهما ونظر إلى يس كامل قائلاً وهو يشير له بالسبابة:

- هتدفع ولا أخد ضدك اجراء.

ورد عليه يس كامل:

- اعمل اللي أنت عاوزه.

وعاد المفتش أدراجه تاركا عربة القطار إلى عربة أخرى.

(1)

اخرج يس كامل الجريدة التي معه وحاول تقدئة نفسه ونظسر في صفحة الحوادث وقرأ خبرًا عن رجل تطلب زوجته الطللاق لأنهسا ضبطته مع عشيقته. ولم يكمل الخبر ونام. وحلم برجل لا يعرفه اسمسه مسعود كان يتناول طعام الغداء مع زوجته بدرية وقال مسعود:

- إيه ده يا بدرية.. الشطة كتير في الشكشوكة.
- الشطة هي اللي بتحلى الشكشوكة يا مسعود، وبعدين الشطة مفيدة.. بتنشط البدن وترد العافية.
 - بس دى حامية على المعدة قوى.

وقفت بدرية بعد أن أهت طعامها وقالت:

- دى وصفة أم ترتر أصلى عديت عليها الصبح عشان أمهسا كانت بعافية.
 - وهي اللي قالت لك على الشكشوكة بالشطة.
 - وبعدها كباية قرفة على جربيل.
 - بس كده الواحد يولع.
 - ما تولّع يا أخويا!
 - وأنتى بس بتتكلمى مع أم ترتر فى كده ليه؟
- ما نسوان الحارة كلهم بيا خدوا شورة أم ترتر، وبعدين أنا قلت لها أن الشكوى بتاعة صاحبتى.

أنمى مسعود طعامه ودخل إلى الغرفة تاركا الصالة وكانت الشقة

غرفة وصالة يتنافسان في ضيق المساحة وتبعته بدرية وسألها مسعود وهي تصعد إلى الفراش:

- هم فين العيال يا بدرية؟
- سبقوبى على ستهم أصل أمى عاملة ليلة ندر فول نابت علشان الواد فوزى أخويا أحد الدبلوم عقبال ولادك.
 - طب كويس الواحد يعرف يقيل شوية في هدوء.

شد مسعود الغطاء عليه فمصمصت بدرية شفتيها وقالت:

- أنت بعافية ولا حاجة؟
- لا بس الأكل كان تقيل قوى والواحد وخم.
- ينيلك يا أم ترتر على شورتك الهباب، أنا قايمة، رايحة لأمسى وجاية على العشا، بعد ما تصحى ابقى تعالى إن كنت عاوز.
 - لا، ورايا مصلحة هعملها.
 - بشوقك!

بعدها غادرت بدرية المترل نام مسعود وأثناء نومه أحس بحسرارة قائظة فقام بخلع ملابسه ونام بالملابس الداخلية وما هي إلا ساعة وقام فوزى أخو بدرية بالدخول للشقة مستخدما المفتاح الذى قام بتقليده يوما ماكي يستخدم الشقة في مقابلة زبيدة ابنة أم ترتر. بينما أختب بدرية وأبناؤها في زيارة لوالدته حيث إن مسعود كان معتادًا على العمل صباحا ومساء، إلا أنه في ذلك اليوم كان صاحب العمل المسائي قد توفى عمه فذهب مسعود للمترل حتى يحين موعد العزاء إلا أن وجبة الغداء وخت مسعود وجعلته يغط في سبات عميق.

دخل فوزى وزبيدة الشقة وكانوا معتادين على استخدام الصالة

فقاما بخلع ملابسهما حتى بقيا بالملابس الداخلية، وبدءا ممارسة الحسب ومرت ساعة وسمعا أصوات أقدام بدرية وأبنائها وهم يصعدون الدرج، فما كان من فوزى إلا أن وضع المفتاح المقلد فى الباب كى لا يفتح من الخارج وارتدى ملابسه على عجل وقفز من شباك الحمام إلى سطح المترل المجاور الملاصق بينما زبيدة لا تدرى ماذا تفعل فبقيت فى الحمام بملابسها الداخلية ممسكة بباقى ملابسها فى يدها.

حاولت بدرية فتح الباب فلم يستجب لها فطرقت عليه طرقًا عنيفًا أيقظ مسعود الذي هرول نحو الباب ليسمع صوت زوجته غاضبا:

- الباب مش عاوز يفتح.
- الله ده فيه مفتاح في الباب.

فتح مسعود الباب بينما تسللت زبيدة بخفة إلى غرفة النوم ولم تجد مكانًا سوى الدولاب تدخله عارية وبعدما فتح مسعود الباب صاحت بدرية:

- حاطط المفتاح في الباب ليه؟
 - أنا محطتش مفاتيح.
- شمت بدرية رائحة عطر فقالت:
- إيه الريحة دى؟ مين كان هنا يا مسعود؟
 - ريحة إيه يا ولية يا مجنونة أنت.
 - مین کان هنا یا مسعود؟

انطلقت بدرية تبحث في الشقة ودخلت الحمام ثم غرفسة النسوم ونظرت تحت الفراش ثم فتحت الدولاب وصرخت:

- يا لهوى أسيب الراجل ساعة ألاقيه جايب بت مسخوطة مين

دور عياله، تعالوا يا ولاد شوفوا أبوكو بيعمل إيه من وراكم.

بدأت بدرية في ضرب زبيدة مستخدمه الشبب وهي تقول:

- والنبي لا أعمل لك فضيحة يا زبيدة يا بنت أم ترتر.

وهرول الجميع إلى غرفة النوم. وشاهد مسعود زبيدة بملابسها الداخلية وصاح وهو بملابسه الداخلية:

- لو حلفت على المصحف أبى معرفش البت دى جت هنا إزاى محدش هيصدقني.

وصاحت زبيدة:

یا خالتی بدریة والله أنا کنت هنا مع فوزی ومالیش دعوة بعم مسعود.

فردت بدرية:

نعم! عاوزة تلوفى على الواد اكمن أخد الدبلوم، فوزى يا روح
 أمك مش بتاع الحاجات دى.

وصاح مسعود:

- ما أنتى عارفة يا بدرية أنا كمان ماليش في الحاجات دى.

- أيوه اعملهم عليا يا سهن وأتاريني بطبيخ وأعمل في سمك وأجيب سبيط والكوارع والعكاوى والشكشوكة المشطشطة وكلسه رايح لغيرى، جتك نيلة وأنت زى القرع تمد لبره.

استیقظ یس کامل علی صوت آمین شرطة واقف بجوار المفتش وهو یقول:

- يا أستاذ.. المفتش بيقول إن معكش تذكرة ومش عاوز تسدفع تمن التذكرة.

وأضاف المفتش:

- والغرامة.

وصاح يس كامل:

- الكمبيوتر غلط.

فصاحت نرمين أبو على:

- الكمبيوتر مبيغلطش.

ونظر إليها يس:

- مش مطبعش محطة القيام ومحطة الوصول.

- الطبع حاجة والكمبيوتر حاجة تانية.

وهنا تدخل أمين الشرطة قائلاً:

- يعنى يا أستاذ معاك تذكرة ولا لا.

- معايا.

وناول يس كامل التذكرة الأمين الشرطة السدى قرأهسا وقسال للمفتش:

- معاه تذكرة يا حضرة المفتش.. طيب المشكلة فين؟ وانفعل المفتش قائلاً:

التذكرة مش مكتوب فيها القاهرة محطة القيام ولا الإسكندرية محطة الوصول.

وسأل أمين الشرطة المفتش سؤالاً مباشرًا قائلاً:

- يعنى التذكرة دى سليمة ولا مضروبة؟

– معرفش،

وصاح يس كامل:

- متعرفش يعني إيه؟ يعني هرسمها على إيدى.
 - وهنا قالت نرمين:
- ممكن عن طريق الاسكانر تتعمل تذكرة مزورة يبقى صعب جدا تفريقها عن الحقيقة.
 - ونظر إليها يس كامل وقال منفعلاً:
 - ما تحترمي نفسك يا ست أنتي، ولا أنتي مش لاقية حد يلمك.
- أنت بتتكلم كده إزاى! شايف يا حضرة الأمين أنا عاوزة أعمل له محضر سب وقذف.
 - أنا شتمتك؟
 - أمال يعني إيه لما تقول احترمي نفسك دى؟
 - وأنتى بتدخلي في اللي مالكيش فيه ليه؟
 - أنا بشرح نقطة قد تكون غامضة على حضرة الأمين.
 - وأخرجت نرمين كارت وأعطته لأمين الشرطة قائلة:
- نرمین أبو علی.. خبیرة كمبیوتر وبرمجة وحاصلة على لیسانس
 حقوق فى نفس الوقت.
 - وقال المفتش موجها حديثه ليس كامل:
- هتدفع تمن التذكرة والغرامة ولا أعمل لك محضـــر وأتممـــك بالتزوير.
 - مش دافع حاجة.
- وقام سامى زهران تاجر الذهب وقدم تذكرته إلى أمين الشـــرطة قائلا:
- أنا جيت المحطة وكنت مستعجل والقطر كان هيقوم الساعة

ثمانية وباقى عليه خس دقايق ولقيت واحد بيقول حد عاوز تسذكرة لقطر تمانية عشان لغى السفر بتاعه واشتريتها منه وخايف لحسن تكون مزورة وأتحمل أنا المسئولية.

ونظر أمين الشرطة في التذكرة ثم أعطاها للمفتش قائلاً:

- التذكرة دى سليمة؟

ونظر فيها المفتش ثم قال:

- وأنا أعرف منين.

ونظر أمين الشرطة بحدة إلى يس كامل وقال له:

- بطاقتك الشخصية لو سمحت.

وذهل يس كامل للحظات ثم أعطى البطاقة الشخصية الأمين الشرطة الذي قال للمفتش:

- أنا هبعت العسكرى يقف هنا، وأول ما نوصل إسكندرية تعال أنت والأستاذ على النقطة، ولحد ما نوصل عساوزك تمر في القطر وتشوف أي واحد اشترى تذكرة مش من الشباك أو لو شكيت في أي تذكرة نادى لى.

ثم نظر أمين الشرطة لسامي زهران وقال له:

- البطاقة الشخصية.

ورد سامي زهران مدعورًا:

- ليه؟

- ما تخافش أنت بلغت والمحكمة فى الحالات دى بتعتبرك شـــاهـد ملك.

سار أمين الشرطة مبتسما.

قال المفتش ليس كامل:

- أنا حذرتك.

ورد يس كامل:

- أنا هرفع عليك قضية.

وضحك المفتش:

- اعمل اللي أنت عاوزه.

سحب يس كامل الجريدة وقرأ فيها خبرًا عن مصرع موظف حكومي على يد أحد المواطنين المترددين على المصلحة لإنساء بعض الأوراق، ونام يس كامل ليرى عبد الموجود الدفراوى جالسًا على مكتبه يأكل سندوتش فول، وبين الحين والآخر يأخذ رشفة من كوب من الشاى، ودخل إلى الغرفة سيد سليم سيد وقال:

- حضرتك عبد الموجود الدفراوى بيه.

ورد عبد الموجود:

- أيوه.

- أنا طلعت بطاقة الرقم القومي بتاعي وفيه غلط.

- تبقى أنت قدمت بيانات غير صحيحة.

- أبدا دا أنا حتى متعود أصور كل البيانات وأحتفظ بصورة منها.

- جيب من الآخر.. فيه إيه؟

- حضرتك أهه الرقم القومي بتاعي.

نظر عبد الموجود إلى بطاقة الرقم القومي وقرأ بصوت مرتفع.

- سيد سليم سيد البحراوى - أنثى.

-- وأنا راجل زى ما أنت شايف.

- أنا مش شايف حاجة.
 - يعنى إيه؟
- یعنی أی واحدة ست تقدر تلبس قمیص وبنطلون وتقص شعرها وتعمل راجل.. یا أخی قصدی یا أخت سید مبتشوفیش أفلام؟
 - يعنى أقلع لك عشان تصدق؟
- وأصدقك ليه أصلا؟ أنا ليا الورق ومادام أنت متسجل أنشي يبقى الكمبيوتر هيطلعك أنثى.
 - يعنى إيه الحل؟
 - روح أعمل محضر تزوير ضد الكمبيوتر.
 - ده کلام ناس عاقلة.
 - وهنا ثار عبد الموجود الدفراوى قائلاً:
 - متغلطش يا محترم.. متغلطش يا أستاذ.

تجمع بعض المواطنين على صوت عبد الموجود وفضوا الاشـــتباك وقبل أن يغادر سيد الغرفة صاح في عبد الموجود.

- بس أنا هوريك هعمل فيك إيه عشان أمثالك هم اللي بيعطلوا مصالح الناس وميحلوش أى مشكلة.

ورد عبد الموجود الدفراوى:

طب عليا الطلاق بالتلاتة لتفضل مَرَة حتى لو وقفــت علـــى
 دماغك وقلعت بلبوس وأعلى ما فى خيلك اركبه.

ذهب سيد سليم سيد البحراوى إلى قسم الشرطة كى يحرر محضرًا ضد عبد الموجود الدفراوى حيث إنه لا يريد أن يصحح الخطأ الذي وقع فيه الكمبيوتر ووقف أمام الضابط النوبتجي قائلاً:

- أنا عاوز أعمل محضر ضد موظف فى السجل المدى مش عساوز يصحح بطاقة الرقم القومى.

أعطى سيد سليم سيد البطاقة للضابط النوبتجي وسأله الضابط النوبتجي: النوبتجي:

- طب إيه المشكلة في تصحيح الخطأ.
 - -- الموظف مش عاوز.
 - طب اتفضل استريح.

اتصل الضابط النوبتجي برئيس وحدة السجل المدني وعاد ليقول السيد:

- شوف، الأحسن تقدم على بدل فاقد ويطلع لك واحد جديد، لأن ممكن تغير بيانات مهنة أو عنوان، لكن الاسسم وتاريخ الميلاد والنوع دول متسجلين في الدفاتر ومفيش استمارة تغيير بيانات ليهم، وحصل خطأ بسيط فأحسن حاجة نعمل لك بدل فاقد.

وقال سيد:

- طب الموظف مقالش كده ليا ليه؟
- أنت عاوز تحل مشكلتك ولا عاوز إيه هنجيسب الموظف وهيقول أنه قالك ويمكن يدعى عليك أنك شتمته وهتكون النتيجة أن هنعمل لك قضية تعدى على موظف أثناء تأدية عمله.

خرج سيد واشترى أوراقًا جديدة وألهاها وقدمها على ألها بسدل فاقد للرقم القومى، وبعد أسبوعين ذهب لاستلام الرقم القومى فوجد نفس الخطأ فعاد إلى القسم ودخل على الضابط النوبتجى وتذكر الضابط القصة ونظر إلى الرقم القومى قائلاً:

- حاجة غريبة جدا.. أنت متأكد أنك ذكر.
- يا باشا أنا متجوز ومخلف.. بس الأستاذ عبد الموجود حلف يمين بالطلاق أنه هيكرر نفس الغلطة.

وهنا أعاد الضابط الاتصال برئيس مكتب السجل المدنى السندى أخذ البيانات ووعد الضابط بالاتصال به بعد قليل. ومرت ساعة ثم اتصل رئيس مكتب السجل المدنى بالضابط ليخبره بأن المواطن سيد سليم سيد البحراوى مسجل أنثى فى دفتر قيد المواليد، وبصرف النظر عن تقديمه لشهادة الميلاد أنه ذكر فإن هذه الشهادة هى مستخرج، وقد يكون أجرى عملية تحويل نوع، أو الموظف الذى سجل صورة شهادة ميلاده منذ ما يقرب من أربعة عقود قد أخطأ فى التسجيل، ولا يمكن إصلاح الخطأ إلا بحكم من المحكمة لإصلاح خطا فى دفاتر حكومية. وهنا أخبر الضابط سيد بأن عليه رفع قضية ضد الحكومة لإصلاح الحطأ فى الدفاتر. وذهب سيد إلى المحكمة وأعد الأوراق والتقارير الطبية التى تثبت رجولته وصدر الحكم بعد عدة أشهر لصاحه وذهب بصورة الحكم إلى عبد الموجود الدفراوى الذى أخذ منه صورة الحكم وقال:

- طب عدى بعد تلت أشهر ومعاك صورة من نشــر الحكــم فى الجورنال للإشهار عشان ميكونش فيه حد معترض على الحكم.
 - ومين اللي هيعترض.
- مش يمكن إخواتك يعترضوا عشان خاطر المسيراث.. الســـت بتورث نص الراجل.
 - ماليش إخوات.

- أولاد عمك. أعمامك. أي حد..
 - إرهني يرهك ربنا.
- هو أنا عملت لك الحاجة.. الكمبيوتر مبيكدبش، وبعدين فيه فترة لاستئناف الحكم مش يمكن الحكومة تستأنف الحكم ضدك. وكمان الحكم اللي معاك مش شامل بالنفاذ، يعني لسه فيه أحد ورد، ولم يشعر سيد بنفسه وهو تمسك بطفاية معدن على مكتب عبد الموجود الدفراوي وينهال بها على رأسه. وصمت عبد الموجود ولم يتكلم بعد ذلك إلى الأبد.

أفاق يس كامل من نومه على صفعة على وجهــه مــن خــبيرة الكمبيوتر والبرمجة نرمين أبو على وصاح يس:

- يا بنت المجنونة، كل ده عشان غلطت في الكمبيوتر قريبك.

وعلى صوت نرمين تجمع ركاب القطار وكل يلوم يس كامل. وحضر أمين الشرطة وما رأته نرمين حتى صاحت:

- هتك عرض، أنا بتهم المواطن ده بمتك عرض وتحرش جنسى.
 ونظر لها أمين الشرطة وقال:
 - وهتك عرض مين؟
- هتك عرضى وتحرش جنسى، البيه عامل نايم وريَّح دماغه على كتفى وكان هيتقلب وإيده جت على صدرى.

ونظر أمين الشرطة إلى يس وقال:

- جرايمك زادت، تزوير وهتك عرض والظاهر أن حكايتك

هتبقى حكاية.

ونظريس إلى نومين وصاح:

- أنت عاوزة ترمى بلاكي على الناس.

- بس يا ابن الكلب لأضربك بالشبشب.

وقام يس بصفعها وصاحت:

- بتضربني يا ابن الكلب.

وخلعت حذاءها وضربته فما كان منه إلا أن أطبق على رقبتها حتى لفظت أنفاسها.

وأفاق يس على صوت زوجته نجوى صارخة وسط الليل وهسى ترقد بجواره:

- يا لهوى عاوز تخنقني وأنا نايمة يا يس.

- لا أنا كنت بخنق نرمين.

قالها بعفوية وكان بين الحالم والمستيقظ فصاحت:

آه نرمین بقی دی اللی أنت بتروح لها إسكندریة كـــل یـــوم
 والتائی.

وصاح يس:

- كفاية.

وأكمل بيديه على رقبة زوجته.



إحنا رجالة يا حكومة

دخل سعد الخفير الخصوصى للعمدة رضا عليش النجعاوى عمدة نجع الرجال في محافظة قنا يزف الخبر للعمدة:

- الخوجة وصل.

امتعض العمدة من صوت الخفير العالى وبدا عليه الإحراج عندما تحدث معه أحد الجالسين سائلا:

خوجة إيه يا عمدة؟ ما ولادك وبناتك كلهم خلصوا الجامعة.
 ورد العمدة باقتضاب:

- لا، ده بس لينا مصلحة عنده.

انتظر الأستاذ عبد العليم فى غرفة مجاورة ما يقرب من الساعة، ثم دخل العمدة على المدرس الذى يراجع له القراءة والكتابسة وبسادره المدرس قائلا:

- عملت الواجب يا عمدة.

ورد العمدة:

- طبعا. دى وصية أبويا الله يرحمه أبى أرجسع كرسسى البرلمان للنجعاوية بعد ما أخذه ولد عبد الجبار عمدة كفر الرهوان منه وفضل عندهم المرتين اللى فاتوا، وأنا جاهز لامتحان فك الخط.

طلب العمدة الشيشة وجلس ينفخ أنفاسها حتى ينتهى المدرس من تصحيح الواجب وضاح الأستاذ عبد العليم:

یا عمدة أنت مش حاطط نقط لا تحت البه والیه و لا فوق الته
 والنون و كمان نقط الجیم والخه والزین و...

قاطعه العمدة محتدا:

- إيه ما أنت البارحة دورت عقلى بنقطة فوق ونقطة تحت، أنسا كتبتهم من غير نقاط وأنتم تحطوا براحتكم.

فقال المدرس:

– مينفعش.

وضرب العمدة بيده فوق المنضدة اللي عليها أكــواب الشــاى مطيحا بما وأطاح بالشيشة وهو يقف صائحا بحدة:

- إيه عُتْعدِّل عليا عاد؟

وصمت المدرس وفى الأيام الباقية من الثلاثة أشهر حاول قصارى جهده أن يصل بالعمدة النجعاوى عمدة كفر الرجال إلى المستوى الذى يكفل له النجاح فى امتحان القراءة والكتابة، واجتاز العمدة الاختبار وأعد أوراق التقديم فى انتخابات البرلمان وتقابل هناك مسع المرسى المريدى ابن عتريس الهريدى وهو يقدم أوراقه هو الآخر وعاد العمدة حانقا ولم يتقدم بأوراقه وأرسل لعتريس للحضور وأتى عتريس للعمدة وصاح العمدة:

- إيه هي القوالب نامت والنصاص قامت؟

وقال الهريدى:

- وإيه لزمت الكلام ده يا عمدة؟

وقال العمدة:

- ولدك المرسى إزاى يرشح نفسه للبارلمان وأنا عدخل الانتخاب قدام ولد عبد الجبار.

وقال الهريدى:

– والله ما كنا نعرف.

وقال العمدة:

- فى ظرف ساعتين إما المرسى يسحب أوراقه عشان أعاود أقدم أوراقى أو تكون نسوانى التنين الهرايدة طالقين ونسوان عيالى الهرايدة طالقين وحريم عيلتنا هيخلعوا رجالتكم، إحنا وأنستم قبيلسة واحدة والأرض بيناتنا، ليه عتعملوا مشاكل ودم وتار بيناتنا.

وأتى هريدى بالمرسى أمام العمدة وصاح هريدى في ولده:

- عتصرف من غير شورة أبوك؟

وقال المرسى:

- يا بويا أنا كنت معمل لك مفاجأة أبى عرجع كرسى البرلمان للقبيلة.

وصاح العمدة:

- ليه القبيلة مالهاش كبير.

وصاح هریدی:

- حب على راس ويد عمك العمدة واطلب السماح. وراس جدك الهريدى الكبير إن ما سامحك الأحل دمك.

وقال المرسى:

- أنا ععاود أسحب التراشيح وأقدم ورق عمى العمدة بنفسسي، وعدير حملته بنفسي ضد ولد عبد الجبار.

وتبسم العمدة وقال:

- أصيل يا المرسى.

ذهب المرسى وعاد ومعه أوراقه. وبينما كان العمدة ينهى آخــر رشفة من الشاى قال للعمدة:

- فيه حاجة كده في أوراقك يا عمدة.

وسأل العمدة:

- فيه إيه؟

وقال المرسى:

- ناقص الرقم القومي.

وقال العمدة:

شوفه فین وهاته.

وقال المرسى:

- عنروح له، عشان لازم تصور هناك.

وفى مكتب السجل المدنئ فى قنا طلب الموظف من العمدة أن يخلع العمامة حتى يتصور وصاح العمدة:

- إيه؟ أنا بقلعها عند النوم.

وبعد كثير من المناقشات وافق العمدة، وأتى يوم اسستلام الرقم القومى وأخذه العمدة وبدأ فى قراءته متهجيا الحسروف ثم أعطساه للمرسى حتى يقرأه سريعا وصاح المرسى:

- يا دى النهار الأسود.

وسأله العمدة:

- فيه إيه؟

وقال المرسى:

- كاتبينك خُرمة.

وانهال العمدة على الموظف ضربًا، وعلى المكتب تكسيرا، وانتهى اليوم في مكتب المأمور الذي شرح له أنه خطأ بسيط ويستخرجون له

بدل وقال العمدة:

- الرقم ده لازم أحرقه.

ووافق المأمور وتم استخراج بدل فاقد ليأخذه المرسى ويقرأه:

- بوضه څرمة.

وهنا صاح موظف السجل:

- يبقى فيه غلط عند الكمبيوتر في مصر.

وصاح العمدة:

- شيع للأفوكاتو لويس، وبينا على النجع.

وفى الطريق قال العمدة للمرسى:

- الغلط ده سر من أسرار النجع اللي عيسربه عيبات في تربته.

وقال المرسى:

سرك فى بير يا عمى، وبَكِير الأفوكاتو لويس جايلك فى النجع
 وأنا عنزل مصر.

وقال له العمدة:

- عتعمل إيه؟

وقال المرسى:

- عاخد بالتار من كمبيوتر، والله إن كان فى آخر الدنيا عيكون عليه العوض فى بقيت عمره.

وقال العمدة:

- التار تارى يا المرسى وبعدى تار ولادى.

وقال الموسى:

- ما أنا برضك ولدك يا عمدة ورقبتي فداك.

وقال العمدة:

- اصیل یا المرسی، وأنا ولدی، ولد عمك محمود دکتور كـــبير تروح هناك عشان تتاوی.

(۲)

دخل العمدة داره مهموما حزينا ونظر إلى نسائه الثلاث ثم دخـــل الى غرفة المضيفة ودخلت زوجته بمانة وهى أكبرهُن وابنة عمه عليـــه، ولم يلحظ دخولها الغرفة واستمر يحادث نفسه قائلا:

- والله ما كان العشم يا حكومة تصدقى كمبيوتر، ليه دا أنسا حافظ الأمن عشرين سنة، كيف ماكونش راجل؟

وسارعت بمانة بإغلاق باب الغرفة وصاحت:

- مين اللي قال عليك كده يا عمدة.

وبضيق، نظر العمدة لبهانة وقال:

- الحكومة استوظفت واحد كداب اسمه كمبيوتر قال عليا إلى خُرمة وكل ما يعملوا رقم قومي يكتب خُرمة.

وسألت بمانة:

- ومال كمبيوتر بيك؟ يكونش من ولد عبد الجبار مـن كفـر الرهوان حدانا.

ورد العمدة:

- والله في سماه إن كان منهم لأولّع في كفر الرهوان كلاتها.

ونادى العمدة على سعد الخفير الخصوصي، وأمره:

- تترل كفر الرهوان وتسأل على كمبيوتر واعرف لى ده ولد مين وساكن فين في مصر وتعاود بكير.

وقالت بمانة:

- أنا ونساوينك الاتنين نترل مصر معاك ونروح للكـــبير اللـــى بيكتب هناك ونشهد أنك راجل.

وصاح العمدة:

- إيه يا بهانة عنعملها حدوتة وقعدة وجليسة، بكسير الأفوكساتو لويس عيتصرف.

وقالت بمانه:

- الأفوكاتو لويس حباله طويلة وسكته محاكم، والناس تعسرف، وإن الخبر إتعرف الناس عتصدق الحكومة وتبقى مصيبة يا عمدة نجسع الرجال.

وفكر العمدة قليلا ثم قال:

آه، لا بلاش الخواجه لویس، أنا عشغله فی حاجة تانیة وشیعی
 للمرسی أبی عبرل مصر معاه.

وسألته:

- وإحنا يا عمدة؟

فرد:

- لما يكون لكم عيزه نشيع ليكم عاد.

(٣)

استيقظ الدكتور محمود رضا النجعاوى وزوجته الدكتورة فريدة على النجعاوى النجعاوى النجعاوى النجعاوى النجعاوى النجعاوى ابنة عمه على طرق الباب ليفتحا ويجدا العمدة رضما والمرسى وأربعة من الخفر معهم وبعد السلامات قال العمدة:

- أمال فين المحروسة بينتك رضا؟

وردت فريدة:

- ناعة أصلها كانت سهرانة طول الليل علمي التشسات مسع أصحابها.

وسأل العمدة:

- إيه التشات ده؟ يكونش طشت والله البنيه كبرت وبتعلميها شغل البيت يا فريدة؟ بس خلى الطشت عشان المعرفة، لكن البنية عيكون في بيتها اللي يشيلها عكفوف الراحة.

وزد محمود:

- يا بابا التشات ده يعنى بتكلم صحابها على الكمبيوتر مهش طشت غسيل.

وهب العمدة واقفا وصاح في الخفر:

- انصراف.

ثم نظر إلى محمود وصاح:

- جلك بو، لهو إنت ادليت مصر عشان تعرف الكمبيوتر اللي هزأ أبوك وكمان سايب البنية تسهر الليالي معاه.

ونسى محمود لهجته القاهرية المكتسبة وصاح:

- یا بوی ما عاش ولا کان اللی یهزاك، بس الكمبیوتر ده جهاز کهربا العیال بتلعب علیه وبیعملوا بیه شغل کتیر، دا حتی عنسدنا فی المستشفی موجود منه کتیر.

ووقف المرسى وصاح:

- فين الكمبيوتر يا دكتور، أطخه قبل ما يعمل حاجة في البنيــة: أصلك مش فاهم يا دكتور.

وخرجت رضا الفتاة ذات السبعة عشر عاما لتجد جدها وترتمسى في احضانه وقال العمدة رضا:

- هد الله على سلامتك، بس إوعى تعرف كمبيوتر تابى، دا راجل كداب وبينا وبينه عداوة لآخر العمر.

وقالت الفتاة رضا:

- كمبيوتر مين يا جدى؟

وقال محمود:

- جدك يقصد الكمبيوتر.

وضحكت رضا وقالت:

- تعالى يا جدى أوريك الكمبيوتر.

ودخل العمدة غرفة الابنة وأصر المرسى على اصطحابه ومعه الآلى حتى يقتل الكمبيوتر ووقفا أمام الكمبيوتر، وبعدها أدارت رضا لهسم الجهاز، وسأل العمدة:

وبعد فترة مداولات بين العمدة رضا والمرسى والدكتور محمود، عرف محمود الحقيقة وقال:

- دى تلاقيها غلطة بسيطة فى السجلات وكان الأفوكاتو لويس يصلحها.

ورد العمدة:

- لا، أمك بتقول حباله طويلة وعيروح المحاكم وتبقى فضسيحة، والغلط أنا فهمانه، لما خلفت بنيه وسسمتها رضا فكروا أن كل رضا

يبقى حُرمة.

فقال محمود:

- خلاص بكره نروح نطلع لك واحد تابى من الإدارة المركزية. وذهب العمدة ليستخرج الرقم القومى ويستلمه ليقرأه المرسسى ويقول بأسى:

- برضه خُرمة.

ودخل العمدة على المدير وتبعه المرسى وسأل العمدة المدير:

- إنتم شايفين أبي حُرمة؟

رأى المدير نظرات الشر في أعين العمدة والمرسى فرد قائلاً:

- العفو يا حاج؟ بس إيه الموضوع؟

وفهم العمدة أنَّ هناك خطأ في السجلات ولا يملك أحد تصحيحه، خاصة وأن اسم رضا هو اسم لذكر وأنشى.

ورد العمدة:

- شوف لى الموظف اللى كتب غلط ولا إنت تبقى موالس معاه. ورد المدير:

- مش ممكن أعرفه، دى سجلات إحنا بنطلّع على أساسها الرقم القومي.

وحدث هرج ومرج وأتت الشرطة ليتم عمل محضر للعمدة رضا بالتعدّى على موظف أثناء تأدية عمله ويصر العمدة على إعطاء الشرطة البطاقة العائلية بدلا من الرقم القومي حيث إن بياناتها صحيحة وبعد عمل المحضر صاح العمدة:

- يعنى الحكومة بتعترف بالبطاقة عند الأذية لكن عاوزة السرقم

القومي للتراشيح.

وقال الضابط:

- المفروض خلاص كل شيء يتم بالرقم القومي.

وسأل العمدة:

- وإن كان غلط؟

وقال الضابط:

- نصلحه

فسأله العمدة:

- كيف وكل ما نطلعه يكون غلط؟

ولم يستطع الضابط الإجابة، ولكن تم تحويل المحضر إلى النيابسة واضطر العمدة لمحادثة الأفوكاتو لويس حتى يأتى له إلى القاهرة.

(\$)

وصل العمدة إلى القرية بعد أن ألهى الأفوكاتو لويس قضية التعدى على الموظف الحكومى بالصلح وتعهد الدكتور محمود ابن العمدة أن يسعى لدى من يعرفهم لتصحيح الخطأ، وعند دخول العمدة الدار ظهر على وجهه علامات الانكسار ودخل إلى المضيفة وطلب الشيشة وأتت بحانة تقول له:

- عتريس أبو المرسى عاوز يشعلل النار.

قال لها العمدة:

– كيف.

قالت بمانة التي ضرتاها من عائلة الهرايدة:

- ما هم الهرايدة طول عمرهم محروقوين عشان النجعاوية فسيهم

العمودية.

قال العمدة:

- بس المرسى كان معايا فى مصر خدام تحت مركوبى. فقالت بمانة:

- متعولش على كده يا عمدة، كلتها ساعة زمن وعتشوف بنفسك.

مرت الساعة وأتى عتريس للعمدة متأنقا وعلى يمينه ابنه المرسسى وعلى يساره ابن أخيه هريدى هريدى الهريدى، وجلس عتريس قبسل أن يأذن له العمدة بالجلوس وبدأ الهريدى الحديث:

- شوف يا عمدة، اللي ينكسف من بنت عمه ميجيبش منها عيال وطول عمر نجع الرجال رافع راسه لكن دلوقتي إحنا مــش عـارفين نصدقك ونكدب الحكومة ولا إيه عاد.

وثار العمدة قائلا:

فقال عتريس:

- بس عمدة النجع حتمًا يكون راجل ومكتسوب في مكاتيب الحكومة راجل، وبعدين كده وقت التراشيح عيفوت، وولد عبد الجبار اللي في كفر الرهوان عياخدوها تزكية، ويبقى ضاع عنب الشام وبلح اليمن.

وأحرج العمدة وقال:

- إن كان على التراشيح أنا كنت ناوى أقولك تخلى المرسى يقدم

ورقه على ما أشوف إيه حكاية النمرة القومى اللسى طلعست لنسا فى البخت.

ووقف عتريس وقال:

- تشكر يا عمدة، وقدامك أسبوع يعنى سبعة ليالى عشان تصلح نفسك.

وهب العمدة قائلا:

- مفهمانش.

ورد عليه عتريس:

- عمدة نجع الرجال لازما يكون راجل رسمي.

وقال العمدة:

- يا عتريس يا ولد الهريدى اقعد معوج واتكلم عدل، الغمودية عتفضل في النجعاوية ولو فيها رقاب.

وقال عتريس:

- خلاص بعد صلاة الجمعة عنقول للرجال وهم يشبوفوا إيسه الصالح.

وأسقط فى يد العمدة وقرر أن يسافر إلى القاهرة ثانية كى يعسود ياثبات رجولته.

(0)

سعى الدكتور محمود بكافة الوسائل حتى يستخرج لأبيه رقم قومى رجالى ولم يفلح، ومع رفض العمدة أن يلجأ للقضاء درءا للفضيحة لم يدر ماذا يفعل حتى عاد له ابنه ذات يوم متهللا يقول:

- خلاص لقينا الحل.

وسأل العمدة:

- كيف دا باقى يوم واحد وإما نشيع لهم فى البلد على المحمسول إلى جبت الرقم القومى أو العمودية عتروح ونتزل كلتنا مصر نسدارى الهم فى الزهمة.

وقال محمود:

- أنا واحد صاحبي مخرج في التليفزيون وهياخدك لبرنامج تعرض فيه مشكلتك.

ورد العمدة:

- أباى والفضيحة على الهوا.

وقال محمود:

- المحاكم حبالها طويلة وناقص يوم، والبرنامج أول ما يتذاع كل المسئولين هيعرفوا غلطهم ويعتذروا وهتخرج على السجل المدنى عدل. وفي يوم البرنامج ذهب العمدة مع نسائه الثلاث وقالت المذيعة:

- ومعانا شخص عاش طول حياته راجل حتى قرر السجل المدى عكس ذلك.

وهب العمدة واقفا وقال:

- أنا مش عتكلم، أنا معايا نسواني شهود وسكت الكلام وبقي العمل.

ورفع العمدة جلبابه وكان بدون سروال على الهواء وهو يصيح:

- أنا راجل ولد راجل يا حكومة.


ثم قطع الإرسال واتصل مسئول يخبر البرنامج بأن الحكومة ستقوم برفع قضية نيابة عن العمدة لتعديل السجلات بحكم قضائي، ومسرت

المهلة وضاعت العمودية وجن جنون العمدة وتم إيداعه في مستشفى للأمراض النفسية باكتئاب هستيرى، وظل على فراشه يصيح:
- مكانش العشم يا حكومة، دا إحنا رجاله يا حكومة.

د. أحمد هائي

- كاتب بجريدة الإيجبشيان جازيت يكتب مقالاً أسبوعيًّا كل يوم ثلاثاء عن السياسة والاستراتيجية في ص ٤.
- يكتب في جريدة American Chronicle (مجموعة صحفية بالولايات المتحدة الأمريكية)
 - كان نائب المشرف العام على جريدة أنباء الأسبوع.
 - کاتب سیناریو.
 - يعمل أيضا "استشاريًّا لأمراض الصدر والحساسية".

Email: ahmedhany55@hotmail.com



د. أحمد هاني

- كاتب بجريدة الإيجبشيان جازيت ، يكتب مقالاً أسبوعياً كل يوم ثلاثاء عن السياسة والاستراتيجية.
- يكتب فى جريدة American Chronicle (مجموعة صحفية بالولايات المتحدة الأمريكية).
 - كاتب سيناريو.
 - كان نائب المشرف العام على جريدة أنباء الأسبوع.
 - يعمل أيضا استشارياً لأمراض الصدر والحساسية.



736